



Broj: 05-02-1-371-5/24
Sarajevo, 21. 3. 2024. godine

PARLAMENTARNA SKUPŠTINA BiH

- Zastupnički dom -
- Dom naroda -

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 22-03-2024			
Organizaciona jedinica	Klasifikaciona oznaka	Redni broj	Broj priloga
01.02	02-1-	649/24	

1630
H

PREDMET: Prijedlog Zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine, dostavlja se

Poštovani,

Vijeće ministara Bosne i Hercegovine, na 43. sjednici, održanoj 19. 3. 2024. godine, usvojilo je Prijedlog zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine, te je zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po žurnom zakonodavnom postupku.

U opredjeljenju da razmatranje i usvajanje navedenog zakona predloži po žurnom zakonodavnom postupku, Vijeće ministara Bosne i Hercegovine je uvažilo navode iznijete u dopisu Ministarstva pravde Bosne i Hercegovine, broj: 06-07-14-3927/23 od 13. 2. 2024. godine iz razloga što je "Ustavni sud Bosne i Hercegovine svojim odlukama broj U-22/22 od 23. 3. 2023. godine i broj U-25/22 od 19. 1. 2023. godine, naložio Parlamentarnoj skupštini Bosne i Hercegovine da u skladu sa člankom 61. stavak (4) Pravila Ustavnog suda Bosne i Hercegovine, najkasnije u roku od šest mjeseci od dana objavljivanja navedenih odluka u „Službenom glasniku Bosne i Hercegovine“ uskladi Zakon o plaćama i naknadama u sudbenim i tužiteljskim institucijama na razini Bosne i Hercegovine s odredbama članka I/2 Ustava Bosne i Hercegovine i članka II/4 Ustava Bosne i Hercegovine, članka 1. Protokola broj 12 uz Europsku konvenciju za zaštitu ljudskih prava i osnovnih sloboda i članka 26. Međunarodnog pakta o građanskim i političkim pravima".

U svezi prednje navedenog, u privitku dostavljamo Prijedlog Zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine, na bosanskom, hrvatskom i srpskom jeziku te latiničnom i ćirilicom pismu, kao i njegovu elektroničku verziju sa svim prilogima.

Istovremeno, dostavljamo obrazloženje Prijedloga zakona kao i navedeni dopis Ministarstva pravde Bosne i Hercegovine o razlozima usvajanja istog po žurnom postupku sukladno poslovničkim odredbama oba doma Parlamentarne skupštine Bosne i Hercegovine, obrazac broj 1 – prethodna procjena učinaka propisa i obrazac 2a o fiskalnoj procjeni, sukladno Jedinstvenim pravilima za izradu pravnih propisa u institucijama Bosne i Hercegovine, Izjavu i Izvješće o provednim konzultacijama sukladno Pravilima za konzultacije u izradi pravnih propisa, te pribavljena mišljenja

nadležnih institucija: Ureda za zakonodvstvo Vijeća ministara Bosne i Hercegovine, Ministarstva financija i trezora Bosne i Hercegovine, Direkcije za europske integracije Vijeća ministara Bosne i Hercegovine, Agencije za zaštitu osobnih podataka u Bosni i Hercegovini, Ministarstva za ljudska prava i izbjeglice Bosne i Hercegovine, Visokog sudbenog i tužiteljskog vijeća Bosne i Hercegovine, kao i Pregled odredbi Zakona o plaćama i drugim naknadama u sudbenim i tužiteljskim institucijama na razini Bosne i Hercegovine koje se dopunjuju, pročišćeni tekst Zakona s integriranim odredbama ovog Prijedloga zakona kao i pročišćeni tekst Zakona bez integriranih odredbi, u tri jezične verzije.

S poštovanjem,

Privitak: - kao u tekstu -

Dostaviti:

- naslovu
- Ministarstvu pravde BiH
- a/a



PRIJEDLOG

Na temelju članka IV. 4. a) Ustava Bosne i Hercegovine Parlamentarna skupština Bosne i Hercegovine, na sjednici ____ Zastupničkog doma, održanoj _____ 2024. godine, i na ____ sjednici Doma naroda, održanoj _____ 2024. godine, usvojila je

ZAKON O DOPUNAMA ZAKONA O PLAĆAMA I DRUGIM NAKNADAMA U SUDBENIM I TUŽITELJSKIM USTANOVAMA NA RAZINI BOSNE I HERCEGOVINE

Članak 1.

U Zakonu o plaćama i drugim naknadama u sudbenim i tužiteljskim ustanovama na razini Bosne i Hercegovine („Službeni glasnik BiH“, br. 90/05, 32/07 i 77/20) iza članka 7. dodaje se novi članak 7a. koji glasi:

„Članak 7a.

Naknada za obvezno dežurstvo ili pripravnost za rad

1. Sucima i tužiteljima pripada naknada na temelju vremena provedenog u obveznom dežurstvu ili pripravnosti za rad razmjerno vremenu trajanja obveznog dežurstva ili pripravnosti za rad.
2. Visinu, uvjete i način ostvarivanja naknade iz stavka 1. ovog članka utvrdit će Vijeće ministara Bosne i Hercegovine posebnom odlukom.“

Članak 2.

Iza članka 18a. dodaje se novi članak 18b. koji glasi:

„Članak 18b.

Troškovi smještaja i naknada za odvojeni život za stručno osoblje

1. Stručno osoblje iz članka 17. ovog zakona ima pravo na troškove smještaja i naknadu za odvojeni život u skladu s podzakonskim aktom koji donosi Vijeće ministara Bosne i Hercegovine, sukladno odredbama Zakona o plaćama i naknadama u institucijama Bosne i Hercegovine.
2. Stručno osoblje iz članka 17. ovog zakona ima pravo na troškove za smještaj u visini propisanoj podzakonskim aktom iz stavka 1. ovog članka za rukovodeće državne službenike iz članka 7. stavka 1. točke a) alineje 2) Zakona o državnoj službi u institucijama Bosne i Hercegovine, a pravo na naknadu za odvojeni život pod uvjetom i u visini utvrđenoj

podzakonskim aktom iz stavka 1. ovog članka za zaposlene u institucijama Bosne i Hercegovine.“

Članak 3.

Ovaj zakon stupa na snagu osmog dana od dana objavljivanja u „Službenom glasniku BiH“.

PS BiH, broj ____/24
____ 2024. godine
Sarajevo

PREDSJEDATELJ
Zastupničkog doma
Parlamentarne skupštine BiH

PREDSJEDATELJ
Doma naroda
Parlamentarne skupštine BiH

O B R A Z L O Ž E N J E

I. USTAVNI TEMELJ

Ustavni temelj za donošenje Zakona o dopunama Zakona o plaćama i drugim naknadama u sudskim i tužiteljskim institucijama na razini Bosne i Hercegovine sadržan je u članku IV. 4. a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona koji su potrebni za provedbu odluka Predsjedništva Bosne i Hercegovine ili za obavljanje dužnosti Skupštine Bosne i Hercegovine po Ustavu i u članku II., prema kojem se prava i slobode, pa time i „prava iz rada i po osnovi rada“, predviđeni u Europskoj konvenciji za zaštitu ljudskih prava i temeljnih sloboda i u njezinim protokolima, izravno primjenjuju u Bosni i Hercegovini.

II. RAZLOZI ZA DONOŠENJE ZAKONA

Zakonom o plaćama i drugim naknadama u sudskim i tužiteljskim institucijama na razini Bosne i Hercegovine („Službeni glasnik BiH“, br. 90/05, 32/07 i 77/22), izmijenjen je i dopunjen 2020. godine iz razloga implementacije odluka Ustavnog suda Bosne i Hercegovine, broj: U-7/12, od 30. 1. 2013. godine i U-29/13, od 28. 3. 2014. godine.

Rješavajući zahtjev Suda Bosne i Hercegovine od 1. 9. 2022. godine, za ocjenu ustavnosti Zakona o plaćama i drugim naknadama u sudskim i tužiteljskim institucijama na razini Bosne i Hercegovine, Ustavni sud Bosne i Hercegovine donio je Odluku o dopustivosti i meritumu, broj: U-22/22, od 23. 3. 2023. godine, kojom se utvrđuje da Zakon o plaćama i drugim naknadama u sudskim i tužiteljskim institucijama na razini BiH nije u skladu s odredbama članka I/2 Ustava Bosne i Hercegovine i članka II/4 Ustava Bosne i Hercegovine, članka 1. Protokola broj 12 uz Europsku konvenciju za zaštitu ljudskih prava i temeljnih sloboda i članka 26. Međunarodnog pakta o građanskim i političkim pravima, zbog toga što ne sadrži odredbe o pravu na troškove smještaja i naknadu za odvojeni život za stručno osoblje u pravosudnim institucijama Bosne i Hercegovine. Istovremeno je naloženo Parlamentarnoj skupštini Bosne i Hercegovine da u skladu s člankom 61. stavkom (4) Pravila Ustavnog suda Bosne i Hercegovine, najkasnije u roku od šest mjeseci od dana objavljivanja ove odluke u „Službenom glasniku Bosne i Hercegovine“, uskladi Zakon o plaćama i drugim naknadama u sudskim i tužiteljskim institucijama na razini Bosne i Hercegovine glede prava na troškove smještaja i naknadu za odvojeni život za stručno osoblje u pravosudnim institucijama Bosne i Hercegovine s odredbama članka I/2 Ustava Bosne i Hercegovine i članka II/4 Ustava Bosne i Hercegovine, članka 1. Protokola broj 12 uz Europsku konvenciju za zaštitu ljudskih prava i temeljnih sloboda i članka 26. Međunarodnog pakta o građanskim i političkim pravima.

U obrazloženju Odluke je navedeno da je Parlamentarna skupština Bosne i Hercegovine, postupajući u skladu s odlukama Ustavnog suda br. U-7/12 i U-29/13, donijela Zakon o izmjeni i dopunama Zakona o plaćama i drugim naknadama u sudskim i tužiteljskim institucijama na razini Bosne i Hercegovine („Službeni glasnik BiH“, broj 77/20). Tim zakonom je sucima i tužiteljima priznato pravo na ostvarivanje naknade na ime troškova smještaja i troškova odvojenog života, ali takvo pravo nije priznato stručnom osoblju koje je zaposleno u tim institucijama i pored toga što žive u mjestima koja su od sjedišta poslodavca u Sarajevu udaljena više od 80 km, dok u Sarajevu borave tijekom radnog tjedna. Međutim, s obzirom na to da se i na stručno osoblje koje je zaposleno u

pravosudnim institucijama Bosne i Hercegovine primjenjuje Zakon o plaćama i drugim naknadama u sudskim i tužiteljskim institucijama na razini BiH, u navedenim odlukama Ustavni sud je utvrdio neustavnost navedenog zakona zbog nedostatka zakonskih odredbi o pravu na troškove smještaja i naknadu za odvojeni život, ne samo u odnosu na suce i tužitelje već i u odnosu na stručno osoblje u pravosudnim institucijama Bosne i Hercegovine. U tom pravcu, Ustavni sud je naglasio da se stavci iz točke 37. Odluke broj U-7/12, glede utjecaja tih naknada na ulogu i funkcioniranje pravosuđa i potrebi odgovarajuće teritorijalne zastupljenosti konstitutivnih naroda i ostalih u pravosuđu, u cijelosti odnose i na stručno osoblje u pravosudnim institucijama Bosne i Hercegovine. Naime, za efikasno postupanje pravosuđa sucima i tužiteljima je u njihovom radu potrebna i pomoć stručnog osoblja. Bez odgovarajuće financijske podrške nije moguće osigurati odgovarajuću teritorijalnu zastupljenost konstitutivnih naroda i ostalih u pravosuđu, u segmentu koji se odnosi na stručno osoblje. Stoga se i stručnom osoblju trebaju osigurati naknade za odvojen život i troškove smještaja, kao što je urađeno za suce i tužitelje.

Ustavni sud se u svojoj odluci poziva na obrazloženje iz odluka br. U-7/12 i U-29/13, uz zaključak da osporeni Zakon o plaćama i drugim naknadama krši načelo neovisnosti pravosuđa kao osnovnog jamstva vladavine prava iz članka I/2. Ustava Bosne i Hercegovine smatrajući da ne postoji niti jedan razlog zbog kojeg bi odstupio od svojih stavova iz tih predmeta. Osim toga, osporeni zakon nije u skladu ni s odredbama članka II/4. Ustava Bosne i Hercegovine, članka 1. Protokola broj 12 uz Europsku konvenciju i članka 26. Međunarodnog pakta jer pravi nedopuštenu razliku glede prava na troškove smještaja i naknadu za odvojeni život za stručno osoblje u pravosudnim institucijama Bosne i Hercegovine u odnosu na suce i tužitelje na istoj razini.

Također, odlučujući o zahtjevu Općinskog suda u Sarajevu, za ocjenu ustavnosti Zakona o plaćama i drugim naknadama u sudskim i tužiteljskim institucijama na razini Bosne i Hercegovine, Ustavni sud Bosne i Hercegovine donio je Odluku o dopustivosti i meritumu, broj: U-25/22, od 19. 1. 2023. godine, kojom se utvrđuje da Zakon o plaćama i drugim naknadama u sudskim i tužiteljskim institucijama na razini BiH nije u skladu s člankom I/2 Ustava Bosne i Hercegovine i odredbama članka II/4 Ustava Bosne i Hercegovine, članka 1. Protokola broj 12 uz Europsku konvenciju za zaštitu ljudskih prava i temeljnih sloboda i članka 26. Međunarodnog pakta o građanskim i političkim pravima, zbog toga što ne sadrži odredbe o naknadama na ime dežurstva/pripravnosti. Istovremeno je naloženo Parlamentarnoj skupštini Bosne i Hercegovine da u skladu s člankom 61. stavkom (4) Pravila Ustavnog suda Bosne i Hercegovine, najkasnije u roku od šest mjeseci od dana objavljivanja ove odluke u „Službenom glasniku Bosne i Hercegovine“, uskladi Zakon o plaćama i drugim naknadama u sudskim i tužiteljskim institucijama na razini Bosne i Hercegovine glede naknada na ime dežurstva/pripravnosti s člankom I/2 Ustava Bosne i Hercegovine i odredbama članka II/4 Ustava Bosne i Hercegovine, članka 1. Protokola broj 12 uz Europsku konvenciju za zaštitu ljudskih prava i temeljnih sloboda i članka 26. Međunarodnog pakta o građanskim i političkim pravima.

U obrazloženju ove odluke Ustavni sud se poziva na svoju ranije donesenu odluku te navodi da se radi o istom ustavnom pitanju kao i u predmetu broj U-7/21. Razlika je samo u tome što je sada osporen Zakon o plaćama i drugim naknadama na državnoj razini, dok je u predmetu broj U-7/21 bio osporen Zakon o plaćama i drugim naknadama sudaca i tužitelja na razini entiteta (FBiH). Međutim, u oba slučaja pokreće se isto ustavno pitanje – nedostatak odredbi u zakonu kojima se propisuje naknada sucima i tužiteljima za vrijeme

obveznog dežurstva ili pripravnosti za rad. U vezi s tim, Ustavni sud zapaža da je nakon Odluke broj U-7/21 Ustavni sud 6. srpnja 2022. godine donio Rješenje o neizvršenju Odluke broj U-7/21 (vidi Ustavni sud, Rješenje broj U-7/21 od 6. srpnja 2022. godine, objavljeno u „Službenom glasniku BiH“, broj 49/22), kojim je utvrđeno da Parlament Federacije Bosne i Hercegovine nije izvršio Odluku Ustavnog suda broj U-7/21 od 23. rujna 2021. godine i određen je način izvršenja te odluke Ustavnog suda dok je ne izvrši Parlament Federacije Bosne i Hercegovine. Nakon toga, u Federaciji Bosne i Hercegovine je izmijenjen Zakon o plaćama i drugim naknadama sudaca i tužitelja tako što je člankom 6e. propisana naknada sucima i tužiteljima za vrijeme dežurstva ili pripravnosti za rad (Izmjene i dopune Zakona o plaćama i drugim naknadama sudaca i tužitelja objavljene su u „Službenim novinama FBiH“ od 3. kolovoza 2022. godine).

U konkretnom predmetu, u odnosu na suce i tužitelje na razini Bosne i Hercegovine, Ustavni sud smatra da su „druge osobe koje se nalaze u analognoj situaciji“ suci i tužitelji na razini Federacije Bosne i Hercegovine budući da se u oba slučaja radi o nositeljima pravosudnih dužnosti, samo na različitim pravosudnim razinama. U vezi s tim, Ustavni sud podsjeća da je prethodno ukazano da je sucima i tužiteljima na razini Federacije Bosne i Hercegovine člankom 6e. Zakona o plaćama i drugim naknadama sudaca i tužitelja u Federaciji Bosne i Hercegovine propisana naknada za vrijeme dežurstva ili pripravnosti za rad. Nadalje, Parlamentarna skupština Bosne i Hercegovine, donositelj Zakona o plaćama i drugim naknadama na državnoj razini, nije Ustavnom sudu dostavila odgovor na zahtjev u kojem bi objasnila *ratio legis* (razlog postojanja) pravljenja razlike glede navedenog u odnosu na suce i tužitelje na razini Bosne i Hercegovine. Bez obzira na to, Ustavni sud ne može u Zakonu o plaćama i drugim naknadama pronaći opravdanje za takvo različito postupanje, niti smatra da postoje razlozi koji bi mogli opravdati takvu razliku u tretmanu nositelja pravosudnih dužnosti na dvije različite razine. Imajući u vidu navedeno, Ustavni sud smatra da je osporeni zakon diskriminirajući zato što ne propisuje pravo na naknadu za vrijeme obveznog dežurstva ili pripravnosti za rad za suce i tužitelje Suda BiH, u situaciji kada takvu naknadu imaju nositelji pravosudnih dužnosti u FBiH i kada donositelj osporenog zakona nije dao bilo kakvo razumno i uvjerljivo objašnjenje za postojanje takve razlike u odnosu na dvije usporedne skupine.

Zbog svega navedenog, pristupilo se izradi zakona o dopuni Zakona o plaćama i drugim naknadama u sudskim i tužiteljskim institucijama na razini Bosne i Hercegovine.

III. NAČELA

Prilikom izrade zakona rukovodilo se načelom neophodnosti, a izmjene su svedene na provedbu odluka Ustavnog suda Bosne i Hercegovine. Načelo efektivnosti je također uzeto u obzir jer je zakon u potpunosti primjenjiv i njime se rješavaju konkretni problemi na koje je ukazano donesenim odlukama. Opterećenja koja zakon nameće proračunu Bosne i Hercegovine su opravdana i svrsishodna te je time zadovoljeno načelo proporcionalnosti. Načelo konzistentnosti je također uzeto u obzir s obzirom na to da predviđene izmjene zakona izjednačavaju prava iz rada i po osnovi rada, a konzistentne su s osnovnim tekstom zakona te zakona i podzakonskih akata na koje se Nacrt zakona poziva. S obzirom na to da su zakoni i podzakonski akti na koje se u zakonu poziva objavljeni i da će i ovaj zakon biti objavljen nakon usvajanja, zadovoljeno je i načelo transparentnosti, kao i načelo odgovornosti.

IV. USKLADENOST ZAKONA S EUROPSKIM ZAKONODAVSTVOM

Odredbe Nacrta zakona ne uređuju materiju koja je regulirana sekundarnim izvorima prava Europske unije i pravne stečevine Europske unije. Međutim, primarni izvori prava i to članak 2. Ugovora o Europskoj uniji, utvrđuje da se Unija temelji na vrijednostima poštovanja ljudskog dostojanstva, slobode, demokracije, jednakosti, vladavine prava i poštovanja ljudskih prava.

Protokol broj 12 uz Europsku konvenciju za zaštitu ljudskih prava i temeljnih sloboda (1950), članak 1. propisuje da vlasti ne smiju ni prema kome vršiti diskriminaciju po bilo kojoj osnovi.

V. PROVEDBENI MEHANIZMI I NAČIN OSIGURANJA POŠTIVANJA PROPISA

Provedba ovog zakona osigurana je kroz uspostavljen mehanizam isplate plaća i naknada u skladu s relevantnim zakonima, kao i mehanizam kontrole i revizije primjene relevantnih zakona na razini institucija BiH.

VI. - FINACIJSKA SREDSTVA

Na temelju prijedloga nove odredbe 18b. procijenjeno je da visina, način i postupak ostvarivanja prava na naknade neće prelaziti iznos istih naknada propisanih podzakonskim aktom koji donosi Vijeće ministara BiH u skladu s odredbama Zakona o plaćama i naknadama u institucijama BiH. Za navedenu procjenu korištene su odredbe odluke Vijeća ministara kojima su regulirani način i postupak ostvarivanja ovih naknada te je procijenjen ukupan iznos naknada za odvojeni život i troškove smještaja za stručno osoblje u Visokom sudbenom i tužiteljskom vijeću BiH, Sudu BiH i Tužiteljstvu BiH, a na koje bi pravo ostvarivali zaposleni u pravosudnim institucijama koji su obuhvaćeni Zakonom o plaćama i drugim naknadama u sudskim i tužiteljskim institucijama na razini BiH.

Procjena **naknada za odvojeni život i naknade za smještaj** rađena je na temelju sljedećih okvirnih pretpostavki:

- stručno osoblje bi moglo ostvariti pravo na naknadu za odvojeni život ako je zaposleno u pravosudnoj instituciji koja se nalazi izvan njegovog mjesta prebivališta na udaljenosti preko 80 km;
- pretpostavljen je iznos naknade za odvojeni život od 300 KM (s izuzetkom odsustva od jednog mjeseca);
- troškovi za smještaj prilikom odvojenog života su procijenjeni na iznos od 480 KM.

- Rezultati analize prikazani su u sljedećoj tablici:

Broj zaposlenog stručnog osoblja koje bi ostvarilo pravo na naknadu (VSTV BiH)	Broj zaposlenog stručnog osoblja koje bi ostvarilo pravo na naknadu (Sud BiH)	Broj zaposlenog stručnog osoblja koje bi ostvarilo pravo na naknadu (Tužiteljstvo BiH)	Naknada za odvojeni život	Troškovi smještaja	UKUPNO

1	5	11	300 KM	480 KM	161.796 KM
---	---	----	--------	--------	------------

U Visokom sudbenom i tužiteljskom vijeću ukupni procijenjeni troškovi uvođenja naknade za odvojeni život 3.300 KM i naknade za smještaj prilikom odvojenog života 7.200 KM stručnom osoblju bi iznosili **10.500 KM** na godišnjoj razini, a procjenjuje se da bi pravo na naknadu ostvarila **jedna osoba**.

U Sudu BiH ukupni procijenjeni troškovi uvođenja naknade za odvojeni život (5 x 3.300 KM za 11 mjeseci, računajući jedan mjesec odsustvo) i naknade za smještaj prilikom odvojenog života stručnom osoblju bi iznosili **45.300 KM** na godišnjoj razini, a procjenjuje se da bi pravo na naknadu ostvarilo **pet osoba**.

U Tužiteljstvu BiH ukupni procijenjeni troškovi uvođenja naknade za odvojeni život i naknade za smještaj prilikom odvojenog života stručnom osoblju bi iznosili **105.966 KM** na godišnjoj razini, a procjenjuje se da bi pravo na naknadu ostvarilo **11 osoba**.

UKUPNI FINACIJSKI EFEKTI PREDLOŽENIH IZMJENA I DOPUNA ZAKONA

Ukupno bi za sve navedene naknade, s obzirom na novu odredbu članka 18b., uz pretpostavke korištene pri analizi, bilo potrebno izdvojiti **161.796 KM** na godišnjoj razini.

Na temelju prijedloga odredbe članka 2. procijenjeno je da u fazi usvajanja zakona neće biti potrebno osiguranje dodatnih finansijskih sredstava, s obzirom na to da je istom propisano da sucima i tužiteljima pripada naknada na temelju vremena provedenog u obveznom dežurstvu ili pripravnosti za rad, razmjerno vremenu trajanja obveznog dežurstva ili pripravnosti za rad, a da će visinu, uvjete i način ostvarivanja naknade, utvrditi Vijeće ministara Bosne i Hercegovine posebnom odlukom. Za provedbu navedene odluke procjena finansijskih sredstava će se izvršiti na temelju konzultacija sa Sudom BiH i Tužiteljstvom BiH, prilikom pripreme odluke za usvajanje na Vijeću ministara.

VII. KONZULTACIJE

Konzultacije o izradi zakona i potrebnim sredstvima za isplatu naknada stručnom osoblju u pravosudnim institucijama su obavljene s Visokim sudbenim i tužiteljskim vijećem BiH, Sudom BiH i Tužiteljstvom BiH kao institucijama na čije zaposlene se odnosi dopuna zakona. U skladu s Pravilima za konzultacije u izradi pravnih propisa („Službeni glasnik BiH”, br. 81/06 i 80/14) provedene su javne konzultacije te nije bilo komentara niti prijedloga. Na Nacrt zakona pribavljena su mišljenja tijela od kojih se u skladu s Poslovníkom o radu Vijeća ministara BiH mišljenja moraju pribaviti.

VIII. OBRAZLOŽENJE MOGUĆIH EKONOMSKIH, SOCIJALNIH I OKOLIŠNIH UTJECAJA PROPISA

Rješenja predviđena Nacrtom zakona ne mogu imati utjecaja u ekonomskom, socijalnom i okolišnom smislu.



Broj: 05-07-1- 663-3/24
Sarajevo, 20. 3. 2024. godine

MINISTARSTVO PRAVDE BOSNE I HERCEGOVINE

- n/r tajnika Ministarstva -

Trg Bosne i Hercegovine 1, 71000 Sarajevo

PREDMET: Obavijest, dostavlja se

Vijeće ministara Bosne i Hercegovine, na 43. sjednici održanoj 19. 3. 2024. godine, razmotrilo je Nacrt zakona o dopunama Zakona o plaćama i drugim naknadama u sudskim i tužiteljskim institucijama na razini Bosne i Hercegovine, te s tim u vezi zaključilo:

- usvaja se, većinom glasova, Prijedlog zakona o dopunama Zakona o plaćama i drugim naknadama u sudskim i tužiteljskim institucijama na razini Bosne i Hercegovine;
- zadužuje se Generalno tajništvo Vijeća ministara Bosne i Hercegovine da Prijedlog zakona o dopunama Zakona o plaćama i drugim naknadama u sudskim i tužiteljskim institucijama na razini Bosne i Hercegovine dostavi Parlamentarnoj skupštini Bosne i Hercegovine, uz prijedlog da se razmatra po žurnom zakonodavnom postupku u skladu s poslovničkim odredbama oba doma Parlamentarne skupštine Bosne i Hercegovine.

S poštovanjem.

DOSTAVLJENO:

- naslovu
- u spis broj: 05-02-1-371 24
- a a

**GENERALNI TAJNIK
VIJEĆA MINISTARA BiH**
mr. Robert Vidović





Broj: 06-07-14-3927/23
Sarajevo, 13.2.2024. godine



BOSNA I HERCEGOVINA
VIJEĆE MINISTARA
SARAJEVO

PRIMLJENO			
Urednik/odjel	Podjela/kategorija	Redni broj	Dag prijema
05	02-1	371-2	24

VIJEĆE MINISTARA BOSNE I HERCEGOVINE
-Generalni sekretarijat-
SARAJEVO

Predmet: Dopuna materijala na Nacrt zakona o dopunama Zakona o plaćama i drugim naknadama u sudbenim i tužiteljskim institucijama na nivou Bosne i Hercegovine
- dostavlja se

Veza: Vaši akti veze: 05-02-1-371-1/24 od 9.2.2024. godine i
05-02-3-599-1/22 od 15.3.2022. godine

Vašim aktom veze od 9.2.2024. godine, zatraženo je da dopunimo materijale uz Nacrt zakona o dopunama Zakona o plaćama i drugim naknadama u sudbenim i tužiteljskim institucijama na nivou Bosne i Hercegovine, koji smo ranije dostavili, kao i da dostavimo kontakt podatke o odgovornoj stručnoj osobi koja će biti ovlaštena komunicirati o Nacrtu zakona.

U skladu s navedenim, u prilogu dostavljamo pregled odredaba kojima se dopunjuje Zakona o plaćama i drugim naknadama u sudbenim i tužiteljskim institucijama na nivou Bosne i Hercegovine, kao i elektronsku verziju materijala na CD-u uz napomenu da se Nacrtom zakona dodaju dvije nove odredbe te da se ne radi o dopunama postojeći odredaba zakona. Također u prilogu se dostavlja i neslužbena prečišćena verzija Zakona o plaćama i drugim naknadama u sudbenim i tužiteljskim institucijama na nivou Bosne i Hercegovine, u koju su ugrađene odredbe kojima se zakon dopunjava.

Predlažemo da se Prijedlog zakona razmatra po žurnom zakonodavnom postupku iz razloga, što je Ustavni sud Bosne i Hercegovine svojim odlukama broj: U-22/22, od 23. 3. 2023. godine i broj: U-25/22, od 19. 1. 2023. godine, naložio Parlamentarnoj skupštini Bosne i Hercegovine da u skladu s člankom 61. stavak (4) Pravila Ustavnog suda Bosne i Hercegovine, najkasnije u roku od šest mjeseci od dana objavljivanja navedenih odluka u „Službenom glasniku Bosne i Hercegovine“, uskladi Zakon o plaćama i drugim naknadama u sudbenim i tužiteljskim institucijama na nivou Bosne i Hercegovine s odredbama članka I/2 Ustava Bosne i Hercegovine i članka II/4 Ustava Bosne i Hercegovine, članka 1. Protokola broj 12 uz Evropsku konvenciju za zaštitu ljudskih prava i osnovnih sloboda i članka 26. Međunarodnog pakta o građanskim i političkim pravima.

Za dalju komunikaciju u cilju otklanjanja eventualnih tehničkih nedostataka ovlašćuje se šefica odsjeka za normativno-pravne poslove u Sektoru za pravosudna tijela Fatima Bašić, kontakt telefon broj: 033-281-540 ili elektronski na adresu: fatima.basic@mpr.gov.ba

S poštovanjem,



- Prilog: - Elektronska verzija materijala na CD-u
- Prečišćena verzija zakona
- Pregled odredaba kojima se dopunjava zakon



Broj: 06-07-14-3927/23
Sarajevo, 6.2.2024. godine

Na temelje članka 22. Pravila za konzultacije u izradi pravnih propisa („Službeni glasnik BiH“, br. 5/17 i 87/23), Ministarstvo pravde Bosne i Hercegovine uz Nacrt zakona o dopunama Zakona o plaćama i drugim naknadama u sudbenim i tužiteljskim institucijama na nivou Bosne i Hercegovine, daje

IZJAVU

1.	Minimalne obveze glede konzultacija	Zakon o dopunama Zakona o plaćama i drugim naknadama u sudbenim i tužiteljskim institucijama na nivou Bosne i Hercegovine je u procesu konzultacija putem web platforme E-konzultacije bio u periodu od 7.11.2023. do 22.11.2023. godine. U navedenom periodu na predmetni zakon nije bilo pristiglih prijedloga niti komentara.
2.	Obrazloženje zaključka ima li pravni propis ili drugi akt značajnog uticaja na javnost ili ne s obrazloženjem	Primjenjujući kriterije iz čl. 11-15 Pravila za konzultacije, utvrđeno je da Nacrt Zakona o plaćama i drugim naknadama u sudbenim i tužiteljskim institucijama na nivou Bosne i Hercegovine, nema značajnog uticaja na javnost, već se radi o obvezi usklađivanja zakona sa odredbama Ustava BiH i EKLJP u skladu sa odlukama Ustavnog suda BiH.
3.	Obrazloženje odluke o obliku dodatnih konzultacija i opis dodatnih konzultacija koje su izvršene	Obzirom da Nacrt Zakona o plaćama i drugim naknadama u sudbenim i tužiteljskim institucijama na nivou Bosne i Hercegovine nema značajnog uticaja na javnost nije bilo potrebe provoditi dodatne konzultacije.
4.	Dostavljanje izvješća o provedenim konzultacijama iz članka 21 Pravila za konzultacije u izradi pravnih propisa	U skladu s člankom 21. Pravila za konzultacije u izradi pravnih propisa, uz izjavu se prilaže izvještaj o provedenim konzultacijama od 4.12.2023. godine.


MINISTAR
Davor Bunoza





IZVJEŠTAJ O ODRŽANIM KONSULTACIJAMA SA ZAINTERESIRANOM JAVNOŠĆU

TEMA Zakon o dopunama Zakona o plaćama i drugim naknadama sudskim i tužilačkim institucijama na nivou Bosne i Hercegovine

IZJAVA O SVRSI Izrada predmetnog zakona je vezana uz prioritarno provođenje odluke Ustavnog suda BiH broj U-22/22, od 23.3.2023. godine, a potrebno je izvršiti usklađivanje odredbi propisa sa Ustavom, Evropskom konvencijom za zaštitu ljudskih prava i osnovnih sloboda i Međunarodnim paktom o građanskim i političkim pravima, otklanjajući sudski postupak diskriminaciju i nedozvoljene razlike postojećih rješenja u okviru Zakona o plaćama i drugim naknadama u sudskim i tužilačkim institucijama na nivou Bosne i Hercegovine

OPIS TIJEKA KONSULTACIJA


Metode konsultacija	Statistika
Online konsultacije	Broj učesnika: 0 Broj komentara: 0
Datum početka: 7.11.2023	Broj prijedloga: 0
Datum kraja: 22.11.2023	Broj prihvaćenih i djelimično prihvaćenih prijedloga: 0

ZAKLJUČAK:

Zakon o dopunama Zakona o plaćama i drugim naknadama sudskim i tužilačkim institucijama na nivou Bosne i Hercegovine je u procesu konsultacija putem web platforme E-konsultacija u periodu od 7.11.2023. do 22.11.2023. godine. U navedenom periodu na predmetni Zakon nije pristiglih prijedloga niti komentara.

VODITELJ KONSULTACIJA

Baris Lovrnović



Zamjenik Koordinatora konsultacija



Vidan Hagić Hasanović

Sarajevo, dana 4.12.2023

Aneks

Prikupljeni prijedlozi i komentari na dokument iz online konsultacija

Prijedlozi i komentari na Članak 1

Prijedlozi

Komentari

Zbirni odgovor i obrazloženje na Članak 1

Prijedlozi i komentari na Članak 2

Prijedlozi

Komentari

Zbirni odgovor i obrazloženje na Članak 2

Prikupljeni prijedlozi i komentari na priloge iz online konsultacija

Novi prijedlozi

PRETHODNA PROCJENA UČINKA PROPISA	
POSILJAC NORMATIVNOG POSLA	Ministarstvo pravde BiH
VRSTA PROPISA	Zakon
NAZIV PROPISA	Zakon o dopuni Zakona o plaćama i drugim naknadama u sudskim i tužilačkim institucijama na nivou Bosne i Hercegovine
<p>1. Navedite pravni osnov za donošenje propisa. Ustavni osnov za donošenje Zakona o dopuni Zakona o plaćama i drugim naknadama u sudskim i tužilačkim institucijama na nivou Bosne i Hercegovine sadržan je u članu IV 4. a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona koji su potrebni za provođenje odluka Predsjedništva Bosne i Hercegovine ili za vršenje funkcija Skupštine Bosne i Hercegovine po Ustavu i u članu II, prema kojem se prava i slobode, pa time i „prava iz rada i po osnovu rada“, predviđeni u Evropskoj konvenciji za zaštitu ljudskih prava i osnovnih sloboda i u njenim protokolima, direktno primjenjuju u Bosni i Hercegovini.</p>	
<p>2. Da li je prednacrt, nacrt ili prijedlog propisa u skladu sa strateškim dokumentima, politikama i prioritetima Vijeća ministara i Parlamentarne skupštine Bosne i Hercegovine, i ako da, navedite s kojim? Predmetno pitanje koje regulira propis je obuhvaćeno nacrtom Strategije za reformu sektora pravde u Bosni i Hercegovini do 2027. godine. Izrada predmetnog akta je vezana i uz prioritarno provođenje odluke Ustavnog suda BiH broj: U-22/22, od 23.3.2023. godine.</p>	
<p>3. U skladu sa članom 9. Aneksa I ukratko opišite stanje i problem koji se namjerava riješiti. Ustavni sud Bosne i Hercegovine donio je Odluku o dopustivosti i meritumu, broj: U-22/22, od 23.3.2023. godine, kojom se utvrđuje da Zakon o plaćama i drugim naknadama u sudskim i tužilačkim institucijama na nivou BiH, nije u skladu sa odredbama člana 1/2 Ustava Bosne i Hercegovine i člana 11/4 Ustava Bosne i Hercegovine, člana 1. Protokola broj 12 uz Evropsku konvenciju za zaštitu ljudskih prava i osnovnih sloboda i člana 26. Međunarodnog pakta o građanskim i političkim pravima, zbog toga što ne sadrži odredbe o pravu na troškove smještaja i naknadu za odvojeni život za stručno osoblje u pravosudnim institucijama Bosne i Hercegovine. Prednacrt zakona sadrži odredbu kojom se navedeno propisuje.</p>	
<p>4. Ukoliko imate saznanja da je isti problem postojao u zemljama Evropske unije, odnosno susjednim zemljama ukratko navedite na koji način je riješen. Navedite najmanje dvije zemlje Evropske unije i dvije susjedne zemlje. Nema saznanja o postojanju istog ili sličnog pitanja u zemljama Evropske unije, odnosno susjednim zemljama.</p>	
<p>5. Utvrdite opći cilj u skladu sa članom 10. Aneksa I. Opći cilj je usklađivanje odredbi propisa sa Ustavom, Evropskom konvencijom za zaštitu ljudskih prava i osnovnih sloboda i Međunarodnog pakta o građanskim i političkim pravima i time otklanjajući sudski utvrđenu diskriminaciju i nedozvoljene razlike postojećih rješenja u okviru Zakona o plaćama i drugim naknadama u sudskim i tužilačkim institucijama na nivou Bosne i Hercegovine.</p>	
<p>6. Navedite u nekoliko tačaka ključna pitanja/mjere koje će biti obuhvaćene propisom ili provedene putem nenormativnih aktivnosti i mjera. Izvršit će se izjednačavanje prava na troškove smještaja i naknade za odvojeni život stručnog osoblja u pravosudnim institucijama na nivou BiH sa nositeljima pravosudnih funkcija, sucima i tužiocima istog nivoa, radi osiguranja principa nezavisnosti pravosuđa kao garancije vladavine prava</p>	
<p>7. Ukratko opišite postupak i rezultate prethodnih konsultacija u skladu sa članom 6. stav (5) i po potrebi članom 20. Aneksa I. Konsultacije o izradi zakona i potrebnim sredstvima za isplatu naknada stručnom osoblju u pravosudnim institucijama su obavljene sa Visokim sudskim i tužilačkim vijećem BiH, Sudom BiH i Tužiteljstvom BiH kao institucijama na čije zaposlene se odnosi dopuna zakona. Na osnovu prikupljenih informacija, zaključuje se da bi ukupno za navedene naknade, s obzirom na broj stručnog osoblja (17 osoba), uz pretpostavke korištene pri analizi, bilo potrebno izdvojiti 161.796 KM na godišnjem nivou.</p>	

8. Procjena uticaja ključnih pitanja/mjera iz tačke 6. ovog obrasca u fiskalnom, ekonomskom, socijalnom i okolišnom smislu: (DA – značajan ili vrlo značajan uticaj ili NE – vjerovatno mali uticaj)	
<p>a) Da li jedno ili više ključnih pitanja/mjera iz tačke 6. ovog obrasca može ili ne može imati značajan ili vrlo značajan uticaj na budžet Bosne i Hercegovine, budžete entiteta, kantona, Brčko distrikta Bosne i Hercegovine i jedinica lokalne samouprave?</p> <p>Mjere iz tačke 6. ovog obrasca imaju mali fiskalni uticaj na budžet BiH iz člana 12. Aneksa I, te su potrebna manja dodatna finansijska sredstva.</p>	NE vjerovatno mali uticaj
<p>b) Da li jedno ili više ključnih pitanja/mjera iz tačke 6. ovog obrasca može ili ne može imati značajan ili vrlo značajan ekonomski uticaj iz člana 13. Aneksa I?</p> <p>Svaka mjera iz tačke 6. ovog obrasca ima vjerovatno mali ekonomski uticaj iz člana 13. Aneksa I.</p>	NE vjerovatno mali uticaj
<p>c) Da li jedno ili više ključnih pitanja/mjera iz tačke 6. ovog obrasca može ili ne može imati značajan ili vrlo značajan socijalni uticaj iz člana 14. Aneksa I?</p> <p>Svaka mjera iz tačke 6. ovog obrasca ima vjerovatno mali socijalni uticaj iz člana 14. Aneksa I.</p>	NE vjerovatno mali uticaj
<p>d) Da li jedno ili više ključnih pitanja/mjera iz tačke 6. ovog obrasca može ili ne može imati značajan ili vrlo značajan okolišni uticaj iz člana 15. ovog Aneksa I?</p> <p>Svaka mjera iz tačke 6. ovog obrasca ima vjerovatno mali okolišni uticaj iz člana 15. Aneksa I.</p>	NE vjerovatno mali uticaj
<p>e) Da li će jedno ili više ključnih pitanja/mjera zahtijevati provođenje administrativnih postupaka vezano za interesne strane i sa kojim ciljem i hoće li navedena rješenja dodatno povećati administrativne prepreke za poslovanje?</p> <p>Svaka mjera iz tačke 6. ovog obrasca ima vjerovatno mali uticaj u pogledu provođenja administrativnih postupaka vezanih za interesne strane.</p>	NE vjerovatno mali uticaj
<p>f) Da li će za realizaciju jednog ili više ključnih pitanja/mjera iz tačke 6. ovog obrasca biti potrebno osnivanje novih ili reorganizovanje postojećih organa Bosne i Hercegovine ili će biti potrebna saradnja više organa uprave Bosne i Hercegovine, entiteta, kantona, Brčko distrikta Bosne i Hercegovine i jedinica lokalne samouprave?</p> <p>Svaka mjera iz tačke 6. ovog obrasca ima vjerovatno mali uticaj u pogledu reorganizacije poslova u pravosudnim institucijama na nivou BiH.</p>	NE vjerovatno mali uticaj
<p>Na osnovu prethodne procjene uticaja propisa utvrđeno je da NE POSTOJI potreba provođenja postupka sveobuhvatne procjene uticaja propisa za Zakon o dopuni Zakona o platama i drugim naknadama u sudskim i tužilačkim institucijama na nivou Bosne i Hercegovine.</p>	



MINISTAR
[Signature]
Davor Bunoza

Broj: 06-07-14-3927-23
Sarajevo, 15.11.2023.godine
(DG)

**BOSNA I HERCEGOVINA
MINISTARSTVO PRAVDE
SARAJEVO**

PREDMET: Mišljenje na Načrt Zakona o dopuni Zakona o plaćama i drugim naknadama u sudbenim i tužiteljskim institucijama na razini Bosne i Hercegovine

Veza: Vaš akt broj: 06-07-14-3927-23 od 27.10.2023.godine

Ured za zakonodavstvo Vijeća ministara Bosne i Hercegovine, razmotrio je **Načrt Zakona o dopuni Zakona o plaćama i drugim naknadama u sudbenim i tužiteljskim institucijama na razini Bosne i Hercegovine** i na temelju članka 25. stavak 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), daje

MIŠLJENJE

Ustavni temelj za donošenje predmetnog Zakona sadržan je u članku IV 4. a), prema kojem je Parlamentarna skupština Bosne i Hercegovine nadležna za donošenje zakona potrebnih za provedbu odluka Predsjedništva ili za vršenje funkcija Parlamentarne skupštine prema Ustavu Bosne i Hercegovine.

Ustavni sud Bosne i Hercegovine donio je Odluku o dopustivosti i meritumu („Službeni glasnik BiH“, broj 29/23), kojom se utvrđuje da važeći Zakon o plaćama i drugim naknadama u sudbenim i tužiteljskim institucijama na razini Bosne i Hercegovine („Službeni glasnik BiH“, br. 90/05, 32/07 i 77/20), nije sukladan odredbama članka 12. Ustava Bosne i Hercegovine i članka II/4 Ustava Bosne i Hercegovine, članka 1. Protokola broj 12 uz Europsku konvenciju za zaštitu ljudskih prava i temeljnih sloboda i članka 26. Međunarodnog pakta o građanskim i političkim pravima, zbog toga što ne sadrži odredbe o pravu na troškove smještaja i naknadu za odvojeni život za stručno osoblje u pravosudnim institucijama Bosne i Hercegovine. Takođe, istom odlukom Ustavnog suda, naloženo je Parlamentarnoj skupštini Bosne i Hercegovine da najkasnije u roku od šest mjeseci od dana objave odluke u „Službenom glasniku Bosne i Hercegovine“, uskladi Zakon o plaćama i drugim naknadama u sudbenim i tužiteljskim institucijama na razini Bosne i Hercegovine u pogledu prava na troškove smještaja i naknadu za odvojeni život za stručno osoblje u pravosudnim institucijama Bosne i Hercegovine s odredbama članka 12 Ustava Bosne i Hercegovine i članka II/4 Ustava Bosne i Hercegovine, članka 1. Protokola broj 12 uz Europsku konvenciju za zaštitu ljudskih prava i temeljnih sloboda i članka 26. Međunarodnog pakta o građanskim i političkim pravima.

Ured za zakonodavstvo konstatira da je dostavljen Obrisca broj 1 - (Prethodna procjena utjecaja propisa), sukladno članku 6. stavak (3) Aneksa I Jedinstvenih pravila za izradu pravnih propisa u institucijama Bosne i Hercegovine.

U pogledu dostavljenog teksta Nacrta Zakona o dopuni Zakona o placama i drugim naknadama u sudbenim i tužiteljskim institucijama na razini Bosne i Hercegovine, Ured za zakonodavstvo daje sljedeće sugestije:

- u gornjem desnom uglu navesti riječ „NACRT“;
- u preambuli broj „(4)“ napisati tako da glasi: „4.“;
- u članku 1. broj „77/22“ zamijeniti brojem „77/20“;
- u predloženom članku 18b. stavak 2. točku „a“ napisati tako da glasi: „a)“, te na kraju rečenice stavka 2. zatvoriti znake navoda.

U pogledu Oblasca broj 1 - (Prethodna procjena utjecaja propisa), Ured za zakonodavstvo daje sljedeće sugestije:

- u točki 1. broj „(4)“ zamijeniti brojem „4.“, isto je potrebno uraditi i u točki 1 obrazloženja nacrta Zakona.

Uz predmetni tekst Nacrta Zakona, prilikom upućivanja na sjednicu Vijeća ministara Bosne i Hercegovine, potrebno je priložiti i pregled odredaba, odnosno odredbe, koje se mijenjaju ili dopunjuju, a što je utvrđeno člankom 30. točkom b) Poslovnika o radu Vijeća ministara Bosne i Hercegovine („Službeni glasnik BiH“, broj 22/03), a prilikom upućivanja prijedloga zakona u dalju proceduru Parlamentarnoj skupštini Bosne i Hercegovine, potrebno je priložiti odredbu članka koje se mijenja, odnosno dopunjava, te verziju prečišćenog teksta Zakona o placama i drugim naknadama u sudbenim i tužiteljskim institucijama na razini Bosne i Hercegovine (članak 105. stavak (5) Poslovnika o radu Zastupničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23).

Ured za zakonodavstvo ukazuje i na potrebu da se, sukladno Pravilima za konsultacije u izradi pravnih propisa („Službeni glasnik BiH“, broj 5/17), materijal prilikom upućivanja Vijeću ministara Bosne i Hercegovine, kompletira sa izjavom pripremljenom sukladno odredbama članka 22. citiranih Pravila.

Takođe, Ured ukazuje da se o nacrtu Zakona pribavi i mišljenje Ministarstva financija i trezora, kao i da se sukladno članku 12. (Procjena fiskalnih učinaka mogućih rješenja) Jedinstvenih pravila za izradu propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17), sačini i dostavi u dalju proceduru obrazac iz Naputka za popunu obrazaca o fiskalnoj procjeni učinaka propisa kao sastavnog dijela Aneksa I Pravila, i to: obrazac OFP-DA.

Dostaviti:
-Naslovu
-a a.

DIREKTOR


mr. Dzemail Čibo



BOSNIA AND HERZEGOVINA
MINISTRY OF FINANCE
AND TREASURY

Број: 08-02-2-7902-2/23
Сарајево, 22.11.2023. године

**БОСНА И ХЕРЦЕГОВИНА
МИНИСТАРСТВО ПРАВДЕ
САРАЈЕВО**



Предмет: Мишљење на Нацрт закона о допуни Закона, доставља се

(Веза: Ваш акт број: 06-07-14-3927/23 од 27.10.2023. године)

Министарство финансија и трезора примило је акт, број и датум наведени у вези, којим захтијевате мишљење на Нацрт закона о допуни Закона о платама и другим накнадама у судским и тужилачким институцијама на нивоу Босне и Херцеговине.

Обрадом достављеног нацрта предметног акта утврдили смо следеће:

1. Нацртом закона о допуни Закона о платама и другим накнадама у судским и тужилачким институцијама на нивоу БиХ утврђује се право стручног особља у правосудним институцијама на нивоу БиХ на накнаду за одвојени живот и трошкове смјештаја. Право на предметне накнаде именовани остварују у складу са подзаконским актом који доноси Савјет министара, сходно одредбама Закона о платама и накнадама у институцијама БиХ.

Наиме, стручно особље из члана 17. Закона о платама и другим накнадама у судским и тужилачким институцијама на нивоу БиХ има право на трошкове смјештаја у висини прописаној подзаконским актом који доноси Савјет министара за руководеће државне службенике из члана 7. став 1. тачка а) алинеја 2) Закона о државној служби у институцијама БиХ, а право на накнаду за одвојени живот под условом и у висини утврђеној подзаконским актом који доноси Савјет министара за запослене у институцијама БиХ.

Разлог за доношење предметног закона је провођење Одлуке Уставног суда БиХ о допустивости и меритуму, број У-22/22 од 23.03.2023. године, којом је утврђено да Закон о платама и другим накнадама у судским и тужилачким институцијама на нивоу БиХ није у складу са одредбама члана 1/2 Устава Босне и Херцеговине и одредбама члана II 4 Устава Босне и Херцеговине, члана 1. Протокола број 12 уз Европску конвенцију о заштити људских права и основних слобода и члана 26. Међународног пакта о грађанским и политичким правима, због тога што не садржи одредбе о праву на трошкове смјештаја и накнаду за одвојени живот за стручно особље у правосудним институцијама на нивоу БиХ. Наведеном пресудом наложено је Парламентарној скупштини БиХ да у складу са чланом 61. став (4) Правила Уставног суда БиХ, најкасније у року од шест мјесeci од дана

објављивања ове одлуке у „Службеном гласнику БиХ“, усклади Закона о платама и другим накнадама у судским и тужилачким институцијама на нивоу БиХ у погледу права на трошкове смјештаја и накнаду за одвојени живот за стручно особље у правосудним институцијама на нивоу БиХ.

Предлагач је у прилогу акта доставио Образац 2а о фискалној процјени утицаја (Образац ОФП-ДА), сходно члану 12. Анекса I Јединствених правила за израду правних прописа у институцијама Босне и Херцеговине („Службени гласник БиХ“, бр. 11/05, 58/14, 60/14, 50/17 и 70/17).

Према образложењима финансијског аспекта овог Нацрта закона укупно потребна средства за провођење истог на годишњем нивоу износе 161.796,00 КМ.

2. Имајући у виду да правосудне институције на нивоу БиХ све запослене са високом стручном спремом, а у појединим случајевима чак и особе са средњом стручном спремом, третирају као стручно особље, у смислу одредби члана 17. Закона о платама и другим накнадама у судским и тужилачким институцијама на нивоу БиХ, што је у супротности са суштином и основним смислом наведених одредби, сугеришемо да се предложеним Нацртом закона изврши измјена и члана 17. Закона којом ће се јасније прецизирати која се радна мјеста у правосудним институцијама на нивоу БиХ категоризују као радна мјеста стручног особља.

Полazeћи од формално-правних претпоставки и обавеза које институције БиХ морају извршити ради извршења Одлуке Уставног суда БиХ број У-22/22 од 23.03.2023. године, Министарство финансија и трезора подржава доношење предложеног закона уз препоруке наведене у тачки 2 овог мишљења.

С поштовањем,

Доставити:

- Наслову
- а/а



МИНИСТАР

др Срђан Амичић

OBRAZAC broj 2a O FISKALNOJ PROCJENI UTICAJA

Obrazac OFP-DA

ODJELJAK A. Nosilac normativnog posla		KOD		NAZIV	
Razdjel		0904		Ministarstvo pravde Bosne i Hercegovine	
ODJELJAK B. Osnovni podaci o propisu					
Vrsta propisa	Ustav	Ne	Poslovnik	Ne	Pravilnik
	Sporazum	Ne	Odluka	Ne	Drugi opći pravni akt
	Zakon	Da	Uputstvo	Ne	
Naziv propisa					
Nacrt zakona o dopuni Zakona o plaćama i drugim naknadama u sudskim i tužilačkim institucijama na nivou Bosne i Hercegovine					

ODJELJAK C. Fiskalni efekt																	
1. Prihodi i primici budžeta																	
KOD	NAZIV	OŠTIVANJE PRIHODA I PRIMICA U TEKUĆOJ GODINI						OŠTIVANJE PRIHODA I PRIMICA U TEKUĆOJ GODINI pr-2									
		Budžet	Načelnik iznosa	Ostali iznosi	Ukupni prihodi i primici u tekućoj godini	Plan prihoda i primika u tekućoj godini	Ukupni prihodi i primici u tekućoj godini	Budžet	Načelnik iznosa	Ostali iznosi	Ukupni prihodi i primici u tekućoj godini	Plan prihoda i primika u tekućoj godini	Ukupni prihodi i primici u tekućoj godini				
1	2	3	4=1+2+3	5	6=4+5	7	8	9	10=7+8+9	11	12=10+11	13	14	15	16=13+14+15	17	18=16+17
714000	Porez na imovinu	0	0	0	0	0	0	0	0	0	0	0	0	0	0	0	0
715000	Donaci porezi na dobit i usluge (zaostale obaveze na temelju poreza na promet dobara i usluga)	0	0	0	0	0	0	0	0	0	0	0	0	0	0	0	0
716000	Porez na dohodak	0	0	0	0	0	0	0	0	0	0	0	0	0	0	0	0
717000	Prihodi od neizravnih poreza	0	0	0	0	0	0	0	0	0	0	0	0	0	0	0	0
718000	Ostali porezi	0	0	0	0	0	0	0	0	0	0	0	0	0	0	0	0
719000	Prihodi od poduzetničkih aktivnosti	0	0	0	0	0	0	0	0	0	0	0	0	0	0	0	0
720000	Imovine i prihodi od poslovnih kurirskih razlika	0	0	0	0	0	0	0	0	0	0	0	0	0	0	0	0
721000	Naknade i takse i prihodi od pružanja javnih usluga	0	0	0	0	0	0	0	0	0	0	0	0	0	0	0	0
722000	Novčane kazne (nepredstane prihode)	0	0	0	0	0	0	0	0	0	0	0	0	0	0	0	0
723000	Donacije	0	0	0	0	0	0	0	0	0	0	0	0	0	0	0	0
724000	Primici po osnovu namjenskih sredstava	0	0	0	0	0	0	0	0	0	0	0	0	0	0	0	0
UKUPNO PRIHODI I PRIMICI		0	0	0	0	0	0	0	0	0	0	0	0	0	0	0	0

Rashodi i izdaci budžeta

		TROŠKOVNI PROJEKTOVI ZA UTEKUĆU GODINU						TROŠKOVNI PROJEKTOVI ZA UTEKUĆU GODINU						TROŠKOVNI PROJEKTOVI ZA UTEKUĆU GODINU					
KOD	NAZIV	Budžet	Načelnik izvori	Opći izvori	Ukupno doprinosi osobama	Projezi osobama u budžetu i ostali doprinosi	Projezi osobama u ostali doprinosi	Budžet	Načelnik izvori	Opći izvori	Ukupno doprinosi osobama	Projezi osobama u budžetu i ostali doprinosi	Ukupno doprinosi osobama u ostali doprinosi	Budžet	Načelnik izvori	Opći izvori	Ukupno doprinosi osobama	Projezi osobama u budžetu i ostali doprinosi	Ukupno doprinosi osobama u ostali doprinosi
611000	Prihode i naknade (troškovi zaposlenih)	40.449	0	0	40.449	0	40.449	161.796	0	0	161.796	0	161.796	161.796	0	0	161.796	0	161.796
612000	Doprinosi poslojedatelja i ostali doprinosi	0	0	0	0	0	0	0	0	0	0	0	0	0	0	0	0	0	0
613000	Izdaci za materijal, sitnu inventar i usluge	0	0	0	0	0	0	0	0	0	0	0	0	0	0	0	0	0	0
614000	TEKUĆI TRANSFERI I DRUGI TEKUĆI RASHODI	0	0	0	0	0	0	0	0	0	0	0	0	0	0	0	0	0	0
615000	KAPITALNI TRANSFERI	0	0	0	0	0	0	0	0	0	0	0	0	0	0	0	0	0	0
616000	IZDACI ZA KAMATE	0	0	0	0	0	0	0	0	0	0	0	0	0	0	0	0	0	0
618000	Rashodi od interjela i transakcija	0	0	0	0	0	0	0	0	0	0	0	0	0	0	0	0	0	0
621000	Izdaci za nabavu stalnih sredstava	0	0	0	0	0	0	0	0	0	0	0	0	0	0	0	0	0	0
622000	Izdaci za finansijsku pomoć	0	0	0	0	0	0	0	0	0	0	0	0	0	0	0	0	0	0
623000	IZDACI ZA OPLATE DUGOVA	0	0	0	0	0	0	0	0	0	0	0	0	0	0	0	0	0	0
UKUPNO RASHODI I IZDACI		40.449	0	0	40.449	0	40.449	161.796	0	0	161.796	0	161.796	161.796	0	0	161.796	0	161.796

7. Potpisivanje obveze za budžet

NAZIV	
Jemstva	
Ostalo	

ODJELJAK E. Fiskalne posljedice na druge budžete i nivoje vlasti

NAZIV	
Budžet Federacije Bosne i Hercegovine, Federalni vanbudžetski fondovi i korisnici	nema
Budžet Republike Srpske, vanbudžetski fondovi i korisnici	nema
Budžet Brčko distrikta Bosne i Hercegovine	nema
Budžeti kantona, kantonalni vanbudžetski fondovi i korisnici	nema
Budžeti jedinica lokalne samouprave (općine i gradovi)	nema

ODJELJAK F. Pečat i potpis odgovornog lica institucije BiH

Mjesto i datum 17.10.2023

Pečat

Potpis rukovodioca nosioca normativnog posla

ODJELJAK G. Mišljenje Ministarstva finansija i trezora

Mjesto i datum


Pečat

Potpis ministra finansija i trezora

Broj: 03/A-06-2-MV-1328-3/23

Sarajevo, 17. 11. 2023. godine

BOSNA I HERCEGOVINA
MINISTARSTVO PRAVDE
Trg Bosne i Hercegovine 1
71 000 Sarajevo



Predmet: Mišljenje o usklađenosti Nacrta zakona o dopuni Zakona o platama i drugim naknadama u sudskim i tužilačkim institucijama na nivou Bosne i Hercegovine sa *acquis-em*

Veza: Vaš akt broj: 06-07-14-3927/23 od 27. 10. 2023. godine (zaprimljen 10. 11. 2023. godine)

Na osnovu člana 18. Zakona o ministarstvima i drugim organima uprave Bosne i Hercegovine („Službeni glasnik BiH“ br. 5/03, 42/03, 26/04, 42/04, 45/06, 88/07, 35/09, 103/09, 19/16 i 83/17), člana VI Odluke o Direkciji za evropske integracije („Službeni glasnik BiH“, broj 41/03) i člana 6. Odluke o postupku usklađivanja zakonodavstva Bosne i Hercegovine s pravnom stečevinom Evropske unije („Službeni glasnik BiH“, br. 75/16, 2/18 i 32/23) Direkcija za evropske integracije daje sljedeće

MIŠLJENJE

Nacrtom zakona o dopuni Zakona o platama i drugim naknadama u sudskim i tužilačkim institucijama na nivou Bosne i Hercegovine (u daljem tekstu: Nacrt zakona), dodaje se novi član 18b. Zakonu o platama i drugim naknadama u sudskim i tužilačkim institucijama na nivou Bosne i Hercegovine („Službeni glasnik BiH“, br. 90/05, 32/07 i 77/20 – u daljem tekstu: Zakon). Novim članom 18b. predlaže se da stručno osoblje iz člana 17. Zakona ima pravo na troškove smještaja i naknadu za odvojeni život u skladu sa podzakonskim aktom koje donosi Savjet ministara Bosne i Hercegovine, shodno odredbama Zakona o platama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20, 65/20 i 59/22) i Zakona o državnoj službi u institucijama Bosne i Hercegovine („Službeni glasnik BiH“, br. 19/02, 8/03, 35/03, 4/04, 17/04, 26/04, 37/04, 48/05, 2/06, 43/09, 8/10, 40/12 i 93/17).

Razlog donošenja predloženog Nacrta zakona je sprovođenje Odluke o dopustivosti i meritumu Ustavnog suda Bosne i Hercegovine broj: U-22/22 od 23. 03. 2023. godine. Ustavni sud Bosne i Hercegovine navedenom Odlukom zaključio je da Zakon ne sadrži odredbe o pravu na troškove smještaja i naknadu za odvojeni život za stručno osoblje, kao i da nije u skladu sa odredbama čl. I/2. i II/4. Ustava Bosne i Hercegovine, člana 1. Protokola broj 12 uz Evropsku


konvenciju o zaštiti ljudskih prava i osnovnih sloboda i člana 26. Međunarodnog pakta o građanskim i političkim pravima. Razmatrajući predmetni zahtjev iz Odluke, Ustavni sud Bosne i Hercegovine ukazao je na ranije donesene Odluke Ustavnog suda Bosne i Hercegovine br. U-7/12 od 30. 01. 2013. godine i U-29/13 od 28. 03. 2014. godine, a koje se odnose na navedeni Zakon.

Članom 1. Protokola 12. Evropske konvencije za zaštitu ljudskih prava i osnovnih sloboda utvrđeno je da: „Svako pravo koje zakon predviđa ostvarivaće se bez diskriminacije po bilo kom osnovu kao npr. polu, rasi, boji kože, jeziku, vjeroispovijesti, političkom i drugom uvjerenju, nacionalnom ili društvenom porijeklu, povezanosti s nacionalnom manjinom, imovini, rođenju ili drugom statusu“, dok je članom 26. Međunarodnog pakta o građanskim i političkim pravima utvrđeno je da su „Sva lica jednaka pred zakonom i imaju pravo, bez ikakve diskriminacije, na jednaku zakonsku zaštitu. Zakon treba da zabrani svaku diskriminaciju i da garantuje svim licima jednaku i djelotvornu zaštitu protiv diskriminacije bilo na osnovu rase, boje kože, spola, jezika, vjere, političkog i drugog mišljenja, nacionalnog i društvenog porijekla, imovine, roda ili bilo koje druge okolnosti“. Navedena prava garantovana su i članom 2. Ugovora o Evropskoj uniji.

Direkcija ukazuje da je u Analitičkom izvještaju uz Mišljenje Evropske komisije o zahtjevu Bosne i Hercegovine za članstvo u Evropskoj uniji naznačeno da „Odluke Ustavnog suda su konačne i obavezujuće za sve nadležne organe, pravne osobe i pojedince. Krivični zakon tretira nepoštivanje odluka Ustavnog suda kao krivično djelo. Nakon što rok za implementaciju istekne, Ustavni sud donosi rješenje da odluka Suda nije izvršena, kojom se neustavna pravna odredba stavlja van snage. Ovom praksom nastaje rizik od nastanka pravnog vakuuma ako parlament pravovremeno ne usvoji usklađenu odredbu“.

Također, Direkcija ukazuje da se Bosna i Hercegovina obavezala članom 2. Sporazuma o stabilizaciji i pridruživanju između Evropskih zajednica i njihovih država članica, s jedne strane, i Bosne i Hercegovine s druge strane („Službeni glasnik BiH – Međunarodni ugovori“, br. 10/08, 1/17 i 8/17 – u daljem tekstu: Sporazum) na poštovanje demokratskih principa i ljudskih prava, proglašених u Univerzalnoj deklaraciji o ljudskim pravima, Evropskoj konvenciji o zaštiti ljudskih prava i osnovnih sloboda kao i u Helsinškom završnom aktu i Pariškoj povelji za novu Evropu.

Cijeneći naprijed navedeno, Direkcija konstatuje da se usvajanjem predloženog Nacrta zakona poštuje član 2. Sporazuma, kao i da će doprinijeti realizaciji obaveza iz člana 78. Sporazuma kojim su se strane ugovornice obavezale da će sarađujući u oblasti pravosuđa i unutrašnjih poslova posebno važnost pridavati učvršćivanju vladavine prava i jačanju institucija na svim nivoima uopšte, a naročito u sprovođenju zakona i izvršavanju sudskih odluka.



Prilog:

- Izjava o usklađenosti

Dostaviti:

1. Naslovu
2. a/a

4. ZA O USKLADENOSTI		
4.1. Naziv predloženog zakona		M. I/10/NZ/260/23
4.2. Polje i vrsta propisa	Naziv institucije	Ministarstvo pravde Bosne i Hercegovine
	Sektor/Odsjek	Sektor za pravosudne organe
4.3. Naziv propisa	<p>Nacrt zakona o dopuni Zakona o platama i drugim naknadama u sudskim i tužilačkim institucijama na nivou Bosne i Hercegovine</p> <p>Draft Law on Amendments to the Law on Salaries and Other Remuneration in Judicial and Prosecutorial Institutions at the Level of Bosnia and Herzegovina</p>	
5. Usklađenost propisa s odredbama Sporazuma o stabilizaciji i pridruživanju		
5.1.	Glavna odredba	Glava VII. Pravda, sloboda i sigurnost, član 78. Jačanje institucija i vladavine prava
5.2.	Glavna odredba	Djelimično ispunjava
5.3.	Razlozi za djelimičnu usklađenost ili neusklađenost	Predmet Nacrta zakona se odnosi na jedan segment obaveze te ocjena ispunjenosti zavisi od stepena usklađenosti svih propisa iz ove oblasti
6. Usklađenost propisa s pravima tečevinom EU		
6.1.	Pravni izvor	
6.2.	Pravni izvor	
6.3.	Pravni izvor	
6.4.	Pravni izvor	
7. Usklađenost propisa s pravima tečevinom EU		
7.1.	Primarni izvori prava EU i stepen usklađenosti	<p>Ugovor o Europskoj uniji (prečišćeni tekst 2016.), GLAVA I, član 2.</p> <p>Treaty on European Union (consolidated version 2016), TITLE I, Article 2</p> <p>Djelimično usklađeno</p>
7.2.	Sekundarni izvori prava EU	-
7.3.	Stepen usklađenosti sa sekundarnim izvorima prava	-
7.4.	Razlozi za djelimičnu usklađenost ili neusklađenost	-

5.5	Rok za potpuno usklađivanje	
5.6	Original izvori prava EU	Protokol broj 12 uz Evropsku konvenciju za zaštitu ljudskih prava i temeljnih sloboda (1950), član 1.
6	Da li je odgovorak prijevod pravnih izvora na službene jezike u uporabi u BiH?	DA
7	Da li je propis preveden na engleski jezik?	NE
Ministar pravde Bosne i Hercegovine		Director Direkcije za evropske integracije
Potpis 		
Datum i pečat:		Datum pečat

03-06-2-1328-2/23



Broj: 03-1-02-1-1033-2/23
Sarajevo: 30.11.2023. godine

**MINISTARSTVO PRAVDE
BOSNE I HERCEGOVINE
Trg BiH br. 1
71000 Sarajevo**

01-12-2023

PREDMET: Nacrt zakona o dopuni Zakona o platama i drugim naknadama u sudskim i tužilačkim institucijama na nivou Bosne i Hercegovine, mišljenje – dostavlja se.

VEZA: Vaš akt broj: 06-07-14-3927/23 od 27.10.2023. godine

Agencija za zaštitu ličnih podataka u Bosni i Hercegovini (u daljem tekstu: Agencija), je zaprimila akt veze kojim se traži mišljenje na Nacrt zakona o dopuni Zakona o platama i drugim naknadama u sudskim i tužilačkim institucijama na nivou Bosne i Hercegovine. Agencija shodno članu 40. stav (1) tačka d) Zakona o zaštiti ličnih podataka („Sl. glasnik BiH“, broj: 49/06, 76/11 i 89/11) daje sljedeće:

MIŠLJENJE

Nacrt zakona o dopuni Zakona o platama i drugim naknadama u sudskim i tužilačkim institucijama na nivou Bosne i Hercegovine, ne propisuje obradu ličnih podataka te sa aspekta zaštite prava na privatnost i obrade ličnih podataka, Agencija nema primjedbi.

S poštovanjem,

Dostavljeno:

- Naslovu
- Spis predmeta


DIREKTOR
dr Dragoljub Reljić







BOSNIA AND HERZEGOVINA
Ministry for Human Rights and Refugees

Broj:01-02-1-2097-2/23
Sarajevo, 20.11.2023. godine

BOSNA I HERCEGOVINA
MINISTARSTVO PRAVDE
a/p Davor Bunoza, ministar

20.11.2023

PREDMET: Mišljenje na Nacrt zakona o dopuni Zakona o plaćama i drugim naknadama u sudskim i tužilačkim institucijama na nivou Bosne i Hercegovine, dostavlja se

VEZA: Vaš akt broj:06-07-14-3927/23 od 27.10.2023.godine

Poštovani,

Ministarstvo za ljudska prava i izbjeglice Bosne i Hercegovine, u smislu odredbe člana 31. stav (1) tačka c) Poslovnika o radu Vijeća ministara Bosne i Hercegovine („Službeni glasnik BiH“, broj 22/03), razmotrilo je Nacrt zakona o dopuni Zakona o plaćama i drugim naknadama u sudskim i tužilačkim institucijama na nivou Bosne i Hercegovine, te daje sljedeće

MIŠLJENJE

Razlozi za donošenje Nacrta zakona o dopuni Zakona o plaćama i drugim naknadama u sudskim i tužilačkim institucijama na nivou Bosne i Hercegovine, proizilaze iz obaveze izvršavanja Odluke o dopustivosti i meritumu broj:U-22/22 od 23.3.2023.godine, koju je donio Ustavni sud Bosne i Hercegovine, rješavajući zahtjev Suda Bosne i Hercegovine.

Ministarstvo za ljudska prava i izbjeglice Bosne i Hercegovine daje mišljenje u pogledu usklađenosti s propisima o ostvarivanju građanskih prava i sloboda i osnovnih sloboda međunarodnog humanitarnog prava, te prati provedbu Zakona o zabrani diskriminacije i Zakona o ravnopravnosti spolova u Bosni i Hercegovini i daje mišljenje o usaglašenosti predmetnog dokumenta sa ovim zakonima i međunarodnim pravnim osnovom za ostvarenje i unaprjeđenje ljudskih prava u BiH.

U vezi s naprijed navedenim mišljenja smo da Nacrt zakona o dopuni Zakona o plaćama i drugim naknadama u sudskim i tužilačkim institucijama na nivou Bosne i Hercegovine nije u suprotnosti s odredbama Europske konvencije za zaštitu ljudskih prava i osnovnih sloboda i njezinih pratećih protokola i drugih međunarodnih ugovora iz oblasti ljudskih prava kojih je Bosna i Hercegovina potpisnica i sa odredbama Zakona o zabrani diskriminacije.

Ministarstvo za ljudska prava i izbjeglice Bosne i Hercegovine posebno naglašava da se razlika u ostvarivanja određenog prava ne može zasnivati samo na statusu, odnosno da status bude opravdanje za različito postupanje. Različit tretman u ostvarivanju prava zasnovan samo na statusu predstavlja diskriminaciju, izuzev ako je zasnovan na objektivnoj i razumnoj opravdanosti.

Takođe, u skladu sa članom 26. stav (1) tačka f) Zakona o ravnopravnosti spolova u BiH („Službeni glasnik BiH“ broj 32/10) Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH nema dodatne sugestije.

Napomena: U cilju daljeg ostvarivanja ravnopravnosti spolova u Bosni i Hercegovini, te sprječavanja diskriminacije na osnovu spola, molimo Vas da se i ubuduće prilikom izrade akata, kao i pri obavljanju redovnih poslova iz vaše nadležnosti pridržavate odredbi Zakona o ravnopravnosti spolova u Bosni i Hercegovini („Službeni glasnik BiH“ broj 32/10), a posebno skrećemo pažnju na primjenu:

- člana 9. tačka e) koji zabranjuje diskriminaciju u jeziku,
- člana 20. koji propisuje obavezu ravnopravne zastupljenosti spolova (40% manje zastupljenog spola) u tijelima na svim nivoima organizacije vlasti, a posebno u komisijama, odborima i slično
- člana 22. koji propisuje obavezu prikupljanja, evidentiranja, obrađivanja i prikazivanja statističkih podataka po osnovu spola, kao i
- člana 24. koji se odnosi na obaveze institucija da poduzimaju odgovarajuće mjere na ostvarivanju ravnopravnosti spolova prilikom donošenja programa mjera, a posebno na otklanjanju uočene neravnopravnosti spolova u određenoj oblasti.

Ministarstvo za ljudska prava i izbjeglice Bosne i Hercegovine, daje **pozitivno mišljenje** na Nacrt zakona o dopuni Zakona o plaćama i drugim naknadama u sudskim i tužilačkim institucijama na nivou Bosne i Hercegovine.

S poštovanjem,



Dostavljeno:

- naslovu
- a/a

На основу члана 17. тачка 28. Закона о Високом судском и тужилачком савјету Босне и Херцеговине („Службени гласник Босне и Херцеговине“ бр. 25/14, 3/15, 49/01, 19/08, 63/23), разматрајући Нацрт закона о допуни Закона о платама и другим накнадама у судским и тужилачким институцијама на нивоу Босне и Херцеговине, достављен од стране Министарства правде Босне и Херцеговине (број: 08-02-1-362/23-01, 19.10.2023. године, Високи судски и тужилачки савјет Босне и Херцеговине је на сједници одржаној 18. јануара 2024. године, дао следеће:

Мишљење

на Нацрт закона о допуни Закона о платама и другим накнадама у судским и тужилачким институцијама на нивоу Босне и Херцеговине

I Високи судски и тужилачки савјет Босне и Херцеговине (у даљем тексту: Савјет) констатује да је материја садржана у предложеном тексту Нацрта закона о допуни Закона о платама и другим накнадама у судским и тужилачким институцијама на нивоу Босне и Херцеговине (у даљем тексту: Нацрт закона) од утицаја на правосудје у Босни и Херцеговини, у смислу члана 17. тачка 28. Закона о Високом судском и тужилачком савјету Босне и Херцеговине, те даје мишљење како слиједи:

II Имајући у виду циљ законодавне иницијативе, садржај предложеног рјешења Одлуку Уставног суда БиХ број У-22/22 од 23.3.2023. године, те раније ставове Савјета, Савјет је сагласан са Нацртом закона и подржава његово доношење.

Број 08-02-1-362/1-2024

Датум: 22. јануар 2024. године

МП

Предсједник

Халил Лагумија

Достављено

- Министарство правде Босне и Херцеговине
- а.а

PREGLED ODREDAKA

KOJIMA SE DOPUNJUJE ZAKON O PLATAMA I NAKNADAMA U SUDSKIM I TUŽILAČKIM INSTITUCIJAMA NA NIVOU BIH

„Član 7a.

Naknada za obavezno dežurstvo ili pripravnost za rad

- 1. Sudijama i tužiocima pripada naknada na osnovu vremena provedenog u obaveznom dežurstvu ili pripravnosti za rad, srazmjerno vremenu trajanja obaveznog dežurstva ili pripravnosti za rad.*
- 2. Visinu, uslove i način ostvarivanja naknade iz stava 1. ovog člana, utvrdit će Vijeće ministara Bosne i Hercegovine posebnom odlukom.“*

„Član 18b.

Troškovi smještaja i naknada za odvojeni život za stručno osoblje

- 1. Stručno osoblje iz člana 17. ovog zakona ima pravo na troškove smještaja i naknadu za odvojeni život u skladu s podzakonskim aktom koji donosi Vijeće ministara Bosne i Hercegovine, shodno odredbama Zakona o plaćama i naknadama u institucijama Bosne i Hercegovine.*
- 2. Stručno osoblje iz člana 17. ovog zakona ima pravo na troškove za smještaj u visini propisanoj podzakonskim aktom iz stava 1. ovog člana za rukovodeće državne službenike iz člana 7. stava 1. tačka a) alineja 2) Zakona o državnoj službi u institucijama Bosne i Hercegovine, a pravo na naknadu za odvojeni život pod uslovom i u visini utvrđenoj podzakonskim aktom iz stava 1. ovog člana za zaposlene u institucijama Bosne i Hercegovine.“*

ZAKON

O PLAĆAMA I DRUGIM NAKNADAMA U SUDSKIM I TUŽILAČKIM INSTITUCIJAMA NA NIVOU BOSNE I HERCEGOVINE

(Prečišćena verzija zakona s integriranim odredbama Prijedloga zakona)

I. OPŠTE ODREDBE

Član 1.

Ovim Zakonom utvrđuju se plaće, naknade i određena materijalna prava sudija i tužilaca i određenih kategorija stručnog osoblja u pravosudnim institucijama na nivou Bosne i Hercegovine.

II. PLAĆE, NAKNADE I DRUGA MATERIJALNA PRAVA SUDIJA I TUŽILACA

Član 2.

Osnovna mjesečna plaća sudija iznosi:

- a) Za sudije Ustavnog Suda Bosne i Hercegovine: 4.200 KM.
- b) Za predsjednika Ustavnog suda Bosne i Hercegovine: 4.800 KM.

Član 3.

Osnovna mjesečna plaća sudija iznosi:

- a) Za sudije Suda Bosne i Hercegovine: 3.800 KM.
- b) Za šefove odjeljenja Suda Bosne i Hercegovine: 4.000 KM.
- c) Za predsjednike Suda Bosne i Hercegovine: 4.400 KM.

Član 4.

Osnovna mjesečna plaća tužilaca iznosi:

- a) Za tužioce Tužilaštva Bosne i Hercegovine: 3.800 KM.
- b) Za šefove odsjeka Tužilaštva Bosne i Hercegovine: 4.000 KM.
- c) Za glavnog tužioca Tužilaštva Bosne i Hercegovine: 4.400 KM.

Član 5.

Osnovna mjesečna plaća svakog sudije i tužioca iz člana 2. odnosno 3. i 4. ovog Zakona povećava se za 0,5% za svaku punu godinu radnog staža, najviše do 40 godina.

Član 6.

1. Plaće propisane članom 2., 3. i 4. ovog Zakona neće se povećavati sve dok prosječna mjesečna neto plaća u Bosni i Hercegovini izračunata za kalendarsku godinu ne dostigne ili ne pređe iznos od 800 KM.
2. Počevši od godine koja uslijedi nakon godine u kojoj prosječna mjesečna neto plaća u Bosni i Hercegovini izračunata za kalendarsku godinu po prvi put dostigne ili pređe iznos od 800 KM, osnovna mjesečna plaća sudija i tužilaca propisana članom 2. odnosno 3. i 4. će se godišnje korigovati za procenat povećanja prosječne mjesečne neto plaće u Bosni i Hercegovini.
3. Procenat povećanja iz stava 2. ovog člana izračunat će se tako što će se uporediti prosječna mjesečna neto plaća u Bosni i Hercegovini za kalendarsku godinu sa prosječnom mjesečnom neto plaćom u Bosni i Hercegovini iz prethodne kalendarske godine.
4. U slučaju da se u nekoj godini prosječna mjesečna neto plaća u Bosni i Hercegovini izračunata za kalendarsku godinu smanji, osnovna mjesečna plaća sudija i tužilaca ostaje ista i neće se ponovo povećavati sve dok prosječna mjesečna neto plaća u Bosni i Hercegovini izračunata za kalendarsku godinu ne dostigne najviši nivo od prvog povećanja plaća u skladu sa stavom 2. ovog člana. Nakon toga, plaće sudija i tužilaca se povećavaju u skladu sa stavom 2. ovog člana.
5. Prosječna mjesečna neto plaća je ona plaća koju objavi Agencija za statistiku Bosne i Hercegovine.

Član 7.

1. Broj radnih sati za sudije i tužioce je 40 sati sedmično.
2. Ukoliko sudija odnosno tužilac radi pola radnog vremena, a u skladu sa posebnim zakonom ili propisima, osnovna mjesečna plaća iz člana 2. odnosno 3. i 4. ovog Zakona, korigovaće se u skladu sa brojem odrađenih dana u odnosu prema broju redovnih radnih dana za taj mjesec.

„Član 7a.

Naknada za obavezno dežurstvo ili pripravnost za rad

1. Sudijama i tužiocima pripada naknada na osnovu vremena provedenog u obaveznom dežurstvu ili pripravnosti za rad, srazmjerno vremenu trajanja obaveznog dežurstva ili pripravnosti za rad.

2. Visinu, uslove i način ostvarivanja naknade iz stava 1. ovog člana, utvrdit će Vijeće ministara Bosne i Hercegovine posebnom odlukom.“

Član 8.

1. Sudije i tužioci imaju pravo na plaćeni godišnji odmor u trajanju od 30 radnih dana.
2. Pored prava na godišnji odmor definisanog u stavu 1. ovog člana, sudije i tužioci imaju pravo na dva plaćena i dva neplaćena dana odmora godišnje za zadovoljenje vjerskih potreba.
3. Svi sudije i tužioci imaju pravo na neto naknadu za godišnji odmor u iznosu od 50% osnovne mjesečne plaće iz tačke a) člana 2 ovog Zakona.

2. U Zakonu o plaćama i drugim naknadama u sudskim i tužilačkim institucijama na nivou Bosne i Hercegovine ("Službeni glasnik BiH", br. 90/05 i 32/07), u članu 8. stav 3. riječi: "iz ovog zakona:" zamjenjuju se riječima: "sudije Ustavnog suda Bosne i Hercegovine".

4. Neto naknada za godišnji odmor iz stava 3. ovog člana plaća se kao dodatak na redovnu plaću u julu svake godine, bez obzira na to kada se uzima godišnji odmor.

5. Plaćeni godišnji odmor za svakog sudiju i tužioca bit će regulisan planom godišnjih odmora kojeg će odrediti predsjednik suda ili glavni tužilac na godišnjoj bazi u skladu sa propisima o unutrašnjem poslovanju Ustavnog suda Bosne i Hercegovine, Suda Bosne i Hercegovine odnosno Tužilaštva Bosne i Hercegovine.

Član 9.

Pored godišnjeg odmora i odsustva za zadovoljavanje vjerskih potreba regulisanog članom 8. ovog Zakona, sudije i tužioci imaju pravo na sedam plaćenih dana odmora u kalendarskoj godini kako slijedi:

(i) U slučaju ženidbe/udaje: 5 dana;

(ii) U slučaju smrti bliskog srodnika (supružnika, partnera, majke, oca, očuha, maćehe, djeteta, pastorka/pastorke, brata, sestre, polubrata, polusestre): 3 dana;

(iii) U slučaju smrti manje bliskog srodnika (dede, bake ili bliskog srodnika bračnog druga ili partnera): 1 dan;

(iv) U slučaju rođenja djeteta: 2 dana;

(v) U slučaju selidbe iz stalnog prebivališta u drugo prebivalište: 1 dan.

Član 10.

1. Visoko sudsko i tužilačko vijeće može odlučiti da sudija odnosno tužilac nastavi primati svoju plaću tokom odsustva koje mu odobri Visoko sudsko i tužilačko vijeće u skladu sa članom 17. tačkom 13. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", broj 25/04).

2. Visoko sudsko i tužilačko vijeće u saradnji sa Ministarstvom pravde Bosne i Hercegovine donosi propise u vezi sa okolnostima pod kojim sudija odnosno tužilac nastavlja primati plaću tokom odsustva definiranog u stavu 1. ovog člana.

Član 11.

Sudije i tužioci imaju pravo na jednu osnovnu mjesečnu plaću kao naknadu prilikom odlaska u penziju, kao što je to propisano u članu 2. odnosno 3. i 4. ovog Zakona.

Član 12.

Sudije i tužioci imaju pravo na zdravstveno osiguranje i bolovanje u skladu sa važećim Zakonom o zdravstvenom osiguranju u Republici Srpskoj ili u Federaciji Bosne i Hercegovine, zavisno od stalne adrese prebivališta sudije ili tužioca.

Član 13.

Sudije i tužioci imaju pravo na penzijsko i invalidsko osiguranje u skladu sa važećim Zakonom o penzijskom i invalidskom osiguranju u Republici Srpskoj ili u Federaciji Bosne i Hercegovine, zavisno od stalne adrese prebivališta sudije ili tužioca.

Član 14.

Visoko sudsko i tužilačko vijeće u saradnji sa Ministarstvom pravde Bosne i Hercegovine donosi propise u vezi sa okolnostima pod kojim sudija odnosno tužilac ima pravo na naknadu za putne troškove nastale tokom obavljanja službenih dužnosti (dnevnice, prevoz i smještaj) i iznosu te naknade. Za Ustavni sud Bosne i Hercegovine te propise donosi Ustavni sud Bosne i Hercegovine u saradnji sa Ministarstvom pravde Bosne i Hercegovine.

Član 15.

Sudije i tužioci imaju pravo na naknadu za troškove nastale u toku edukacije u skladu sa propisima o unutrašnjem poslovanju Ustavnog suda Bosne i Hercegovine, Suda Bosne i Hercegovine odnosno Tužilaštva Bosne i Hercegovine.

Član 16.

U slučaju upućivanja sudije da vrši dužnost sudije u drugom sudu u skladu sa članom 50. ili 51. Zakona o visokom sudskom i tužilačkom vijeću, taj sudija ima pravo na naknadu za troškove u

skladu sa odredbama koje donese Visoko sudsko i tužilačko vijeće u saradnji sa Ministarstvom pravde Bosne i Hercegovine.

Član 16a.

Troškovi smještaja i naknada za odvojeni život

1. Sudije i tužioci imaju pravo na troškove smještaja i naknadu za odvojeni život u skladu s podzakonskim aktom koji donosi Vijeće ministara Bosne i Hercegovine, shodno odredbama Zakona o plaćama i naknadama u institucijama Bosne i Hercegovine.

2. Predsjednik Suda i glavni tužilac imaju pravo na troškove za smještaj u visini propisanoj podzakonskim aktom iz stava 1. ovog člana za rukovodioca institucija Bosne i Hercegovine, a sudije i tužioci u visini predviđenoj za ostale rukovodeće državne službenike.

3. Sudije i tužioci imaju pravo na naknadu za odvojeni život pod uslovom i u visini utvrđenoj podzakonskim aktom iz stava 1. ovog člana za zaposlene u institucijama Bosne i Hercegovine.

III. PLAĆE, NAKNADE I DRUGA MATERIJALNA PRAVA ZA ODREĐENE KATEGORIJE STRUČNOG OSOBLJA

Član 17.

Osnovna mjesečna plaća sljedećeg stručnog osoblja iznosi:

a) Za generalnog sekretara Ustavnog suda Bosne i Hercegovine i direktora Sekretarijata Visokog sudskog i tužilačkog vijeća Bosne i Hercegovine: 3.800 KM.

b) Za registrara Ustavnog suda Bosne i Hercegovine, registrara Suda Bosne i Hercegovine i zamjenika direktora Sekretarijata Visokog sudskog i tužilačkog vijeća Bosne i Hercegovine: 3.400 KM.

c) Za generalnog sekretara Suda Bosne i Hercegovine i sekretara Tužilaštva Bosne i Hercegovine, te disciplinskog tužioca Sekretarijata Visokog sudskog i tužilačkog vijeća Bosne i Hercegovine: 3.000 KM

d) Za šefove odjela Ustavnog suda Bosne i Hercegovine: 2.800 KM.

e) Za više pravne savjetnike Ustavnog suda Bosne i Hercegovine, šefove odjela i više pravne savjetnike Sekretarijata Visokog sudskog i tužilačkog vijeća Bosne i Hercegovine: od 2.400 do 2.600 KM.

f) Za pravne savjetnike Ustavnog suda Bosne i Hercegovine, pomoćnika generalnog sekretara Suda Bosne i Hercegovine, pravne savjetnike Suda Bosne i Hercegovine i pravne savjetnike i

zamjenike šefova odjela Visokog sudskog i tužilačkog vijeća Bosne i Hercegovine: od 1.900 do 2.400 KM.

g) Za stručne saradnike Ustavnog suda Bosne i Hercegovine, stručne saradnike i sekretare odjeljenja Suda Bosne i Hercegovine, stručne saradnike/pomoćnike tužilaca u Tužilaštvu Bosne i Hercegovine, pravnike/stručno osoblje Sekretarijata Visokog sudskog i tužilačkog vijeća Bosne i Hercegovine: od 1.200 do 1.800 KM:

2. Kriteriji za utvrđivanje plaća u rasponima propisanim u stavu 1 (e), 1(f) i 1(g) ovog člana uređuju se internim propisima institucija.

Član 18.

1. Članovi 5. do 7., član 8. stavovi 2., 4., i 5., član 9. i članovi 11. do 15. ovog Zakona primjenjuju se na sve kategorije osoblja iz člana 17. ovog Zakona.

2. Kategorije osoblja iz stavova 1(a) do 1(e) člana 17. ovog Zakona imaju pravo na 30 dana plaćenog godišnjeg odmora.

3. Kategorije osoblja iz stavova 1(f) i 1(g) člana 17. ovog Zakona imaju pravo na 25 dana plaćenog godišnjeg odmora.

4. Sve kategorije osoblja iz člana 17. imaju pravo na neto naknadu za godišnji odmor u iznosu od 50% od njihove osnovne mjesečne plaće utvrđene u članu 17.

Član 18a.

Naknada za ishranu u toku rada i naknada troškova prijevoza

1. Sudije i tužioci, kao i stručno osoblje iz člana 17. ovog zakona, imaju pravo na:

a) novčanu naknadu za ishranu u toku rada

b) naknadu troškova prijevoza na posao i prijevoza s posla.

2. Pravo na naknade iz stava 1. ovog člana sudije, tužioci i stručno osoblje iz člana 17. ovog zakona ostvaruju u skladu s odgovarajućim odredbama Zakona o plaćama i naknadama u institucijama Bosne i Hercegovine, kao i podzakonskim aktima donesenim na osnovu ovih odredbi.

„Član 18b.

Troškovi smještaja i naknada za odvojeni život za stručno osoblje

1. Stručno osoblje iz člana 17. ovog zakona ima pravo na troškove smještaja i naknadu za odvojeni život u skladu s podzakonskim aktom koji donosi Vijeće ministara Bosne i Hercegovine, shodno odredbama Zakona o plaćama i naknadama u institucijama Bosne i Hercegovine.

2. Stručno osoblje iz člana 17. ovog zakona ima pravo na troškove za smještaj u visini propisanoj podzakonskim aktom iz stava 1. ovog člana za rukovodeće državne službenike iz člana 7. stava 1. tačka a) alineja 2) Zakona o državnoj službi u institucijama Bosne i Hercegovine, a pravo na naknadu za odvojeni život pod uslovom i u visini utvrđenoj podzakonskim aktom iz stava 1. ovog člana za zaposlene u institucijama Bosne i Hercegovine.“

IV. ZAVRŠNE ODREDBE

Član 19.

Odredbe sadržane u drugim zakonima, propisima ili odlukama na nivou Bosne i Hercegovine koje su u suprotnosti s odredbama ovog Zakona prestaju da važe danom stupanja na snagu ovog Zakona.

Član 20.

Ovaj Zakon stupa na snagu 1. januara 2006. godine.

("Službeni glasnik BiH" broj 32/07)

Član 1.

(1) Ovim Zakonom usvaja se Zakon o plaćama i drugim naknadama u sudskim i tužilačkim institucijama na nivou Bosne i Hercegovine koji je na privremenim osnovama donio visoki predstavnik za Bosnu i Hercegovinu, objavljen u "Službenom glasniku BiH", broj 90/05.

(2) Zakon i svi prateći propisi, doneseni u skladu s ovim Zakonom, primjenjuju se od dana stupanja na snagu Zakona o plaćama i drugim naknadama u sudskim i tužilačkim institucijama na nivou Bosne i Hercegovine ("Službeni glasnik BiH", broj 90/05).

Član 2.

Ovaj Zakon bit će objavljen u "Službenom glasniku BiH".

("Službeni glasnik BiH" broj 77/20)

Član 4.

Ovaj zakon stupa na snagu osmog dana od dana objavljivanja u "Službenom glasniku BiH"

ZAKON
O PLAĆAMA I DRUGIM NAKNADAMA U SUDBENIM I TUŽITELJSKIM
USTANOVAMA NA RAZINI BOSNE I HERCEGOVINE
(Neslužbeni pročišćeni tekst¹)

I. OPĆE ODREDBE

Članak 1.

Ovim Zakonom utvrđuju se plaće, naknade i određena materijalna prava sudaca i tužitelja i određenih kategorija stručnog osoblja u pravosudnim ustanovama na razini Bosne i Hercegovine.

II. PLAĆE, NAKNADE I DRUGA MATERIJALNA PRAVA SUDACA I TUŽITELJA

Članak 2.

Osnovna mjesečna plaća sudaca iznosi:

- a) Za suce Ustavnog suda Bosne i Hercegovine: 4.200 KM.
- b) Za predsjednika Ustavnog suda Bosne i Hercegovine: 4.800 KM.

Članak 3.

Osnovna mjesečna plaća sudaca iznosi:

- a) Za suce Suda Bosne i Hercegovine: 3.800 KM.
- b) Za šefove odjeljenja Suda Bosne i Hercegovine: 4.000 KM.
- c) Za predsjednike Suda Bosne i Hercegovine: 4.400 KM.

Članak 4.

Osnovna mjesečna plaća tužitelja iznosi:

- a) Za tužitelje Tužiteljstva Bosne i Hercegovine: 3.800 KM.
- b) Za šefove odsjeka Tužiteljstva Bosne i Hercegovine: 4.000 KM.

¹ Neslužbeni pročišćeni tekst sadrži: Odluku kojom se donosi Zakon o plaćama i drugim naknadama u sudbenim i tužiteljskim ustanovama na razini Bosne i Hercegovine ("Službeni glasnik BiH" broj 90/05); Zakon o usvajanju Zakona o plaćama i drugim naknadama u sudbenim i tužiteljskim ustanovama na razini Bosne i Hercegovine ("Službeni glasnik BiH" broj 32/07) - označen **podebljanim slovima** i Zakon o izmjeni i dopunama Zakona o plaćama i drugim naknadama u sudbenim i tužiteljskim ustanovama na razini Bosne i Hercegovine ("Službeni glasnik BiH" broj 77/20) - označen *kosim slovima*.

c) Za glavnog tužitelja Tužiteljstva Bosne i Hercegovine: 4.400 KM.

Članak 5.

Osnovna mjesečna plaća svakog suca i tužitelja iz članka 2. odnosno 3. i 4. ovog Zakona povećava se za 0,5% za svaku punu godinu radnog staža, najviše do 40 godina.

Članak 6.

1. Plaće propisane člankom 2., 3. i 4. ovog Zakona neće se povećavati sve dok prosječna mjesečna neto plaća u Bosni i Hercegovini izračunata za kalendarsku godinu ne dostigne ili ne pređe iznos od 800 KM.
2. Počevši od godine koja uslijedi nakon godine u kojoj prosječna mjesečna neto plaća u Bosni i Hercegovini izračunata za kalendarsku godinu po prvi put dostigne ili pređe iznos od 800 KM, osnovna mjesečna plaća sudaca i tužitelja propisana člankom 2. odnosno 3. i 4. će se godišnje korigirati za procenat povećanja prosječne mjesečne neto plaće u Bosni i Hercegovini.
3. Procenat povećanja iz stavka 2. ovog članka izračunat će se tako što će se uporediti prosječna mjesečna neto plaća u Bosni i Hercegovini za kalendarsku godinu sa prosječnom mjesečnom neto plaćom u Bosni i Hercegovini iz prethodne kalendarske godine.
4. U slučaju da se u nekoj godini prosječna mjesečna neto plaća u Bosni i Hercegovini izračunata za kalendarsku godinu smanji, osnovna mjesečna plaća sudaca i tužitelja ostaje ista i neće se ponovo povećavati sve dok prosječna mjesečna neto plaća u Bosni i Hercegovini izračunata za kalendarsku godinu ne dostigne najvišu razinu od prvog povećanja plaća sukladno stavku 2. ovog članka. Nakon toga, plaće sudaca i tužitelja se povećavaju sukladno stavku 2. ovog članka.
5. Prosječna mjesečna neto plaća je ona plaća koju objavi Agencija za statistiku Bosne i Hercegovine.

Članak 7.

1. Broj radnih sati za suce i tužitelje je 40 sati tjedno.
2. Ukoliko sudac odnosno tužitelj radi pola radnog vremena, a sukladno posebnom zakonu ili propisima, osnovna mjesečna plaća iz članka 2. odnosno 3. i 4. ovog Zakona, korigirat će se sukladno broju odrađenih dana u odnosu prema broju redovnih radnih dana za taj mjesec.

Članak 8.

1. Suci i tužitelji imaju pravo na plaćeni godišnji odmor u trajanju od 30 radnih dana.
2. Pored prava na godišnji odmor definiranog u stavku 1. ovog članka, suci i tužitelji imaju pravo na dva plaćena i dva neplaćena dana odmora godišnje za zadovoljenje vjerskih potreba.
3. Svi suci i tužitelji imaju pravo na neto naknadu za godišnji odmor u iznosu od 50% osnovne mjesečne plaće iz točke a) članka 2. ovog Zakona².
4. Neto naknada za godišnji odmor iz stavka 3. ovog članka plaća se kao dodatak na redovnu plaću u svibnju svake godine, bez obzira na to kada se uzima godišnji odmor.
5. Plaćeni godišnji odmor za svakog suca i tužitelja bit će reguliran planom godišnjih odmora koji će odrediti predsjednik suda ili glavni tužitelj na godišnjem osnovu sukladno propisima o unutarnjem poslovanju Ustavnog suda Bosne i Hercegovine, Suda Bosne i Hercegovine odnosno Tužiteljstva Bosne i Hercegovine.

Članak 9.

Pored godišnjeg odmora i odsustva za zadovoljavanje vjerskih potreba reguliranog člankom 8. ovog Zakona, suci i tužitelji imaju pravo na sedam plaćenih dana odmora u kalendarskoj godini kako slijedi:

- (i) U slučaju ženidbe/udaje: 5 dana;
- (ii) U slučaju smrti bliskog srodnika (supružnika, partnera, majke, oca, očuha, maćehe, djeteta, pastorka/pastorke, brata, sestre, polubrata, polusestre): 3 dana;
- (iii) U slučaju smrti manje bliskog srodnika (dede, bake ili bliskog srodnika bračnog druga ili partnera): 1 dan;
- (iv) U slučaju rođenja djeteta: 2 dana;
- (v) U slučaju selidbe iz stalnog prebivališta u drugo prebivalište: 1 dan.

Članak 10.

1. Visoko sudbeno i tužiteljsko vijeće može odlučiti da sudac odnosno tužitelj nastavi primati svoju plaću tijekom odsustva koje mu odobri Visoko sudbeno i tužiteljsko vijeće sukladno članku 17. točka 13. Zakona o Visokom sudbenom i tužiteljskom vijeću Bosne i Hercegovine ("Službeni glasnik BiH", broj 25/04).

² U Zakonu o plaćama i drugim naknadama u sudbenim i tužiteljskim ustanovama na razini Bosne i Hercegovine ("Službeni glasnik BiH", br. 90/05 i 32/07), u članku 8. u stavku 3. riječi: "iz ovog Zakona" zamjenjuju se riječima: "suci Ustavnog suda Bosne i Hercegovine".

2. Visoko sudbeno i tužiteljsko vijeće u suradnji sa Ministarstvom pravde Bosne i Hercegovine donosi propise u vezi sa okolnostima pod kojim sudac odnosno tužitelj nastavlja primati plaću tijekom odsustva definiranog u stavku 1. ovog članka.

Članak 11.

Suci i tužitelji imaju pravo na jednu osnovnu mjesečnu plaću kao naknadu prilikom odlaska u mirovinu, kao što je to propisano u članku 2. odnosno 3. i 4. ovog Zakona.

Članak 12.

Suci i tužitelji imaju pravo na zdravstveno osiguranje i bolovanje sukladno važećem Zakonu o zdravstvenom osiguranju u Republici Srpskoj ili u Federaciji Bosne i Hercegovine, zavisno od stalne adrese prebivališta suca ili tužitelja.

Članak 13.

Suci i tužitelji imaju pravo na mirovinsko i invalidsko osiguranje sukladno važećem Zakonu o mirovinskom i invalidskom osiguranju u Republici Srpskoj ili u Federaciji Bosne i Hercegovine, ovisno od stalne adrese prebivališta suca ili tužitelja.

Članak 14.

Visoko sudbeno i tužiteljsko vijeće u suradnji sa Ministarstvom pravde Bosne i Hercegovine donosi propise u vezi sa okolnostima pod kojim sudac odnosno tužitelj ima pravo na naknadu za putne troškove nastale tijekom obavljanja službenih dužnosti (dnevnice, prijevoz i smještaj) i iznosu te naknade. Za Ustavni sud Bosne i Hercegovine te propise donosi Ustavni sud Bosne i Hercegovine u suradnji sa Ministarstvom pravde Bosne i Hercegovine.

Članak 15.

Suci i tužitelji imaju pravo na naknadu za troškove nastale u tijeku edukacije sukladno propisima o unutarnjem poslovanju Ustavnog suda Bosne i Hercegovine, Suda Bosne i Hercegovine odnosno Tužiteljstva Bosne i Hercegovine.

Članak 16.

U slučaju upućivanja suca da vrši dužnost suca u drugom sudu sukladno članku 50. ili 51. Zakona o Visokom sudbenom i tužiteljskom vijeću, taj sudac ima pravo na naknadu za troškove

sukladno odredbama koje donese Visoko sudbeno i tužiteljsko vijeće u suradnji sa Ministarstvom pravde Bosne i Hercegovine.

Članak 16a.

Troškovi smještaja i naknada za odvojeni život

- 1. Suci i tužitelji imaju pravo na troškove smještaja i naknadu za odvojeni život u skladu s podzakonskim aktom koji donosi Vijeće ministara Bosne i Hercegovine, sukladno odredbama Zakona o plaćama i naknadama u institucijama Bosne i Hercegovine.*
- 2. Predsjednik Suda i glavni tužitelj imaju pravo na troškove smještaja u visini propisanoj podzakonskim aktom iz stavka 1. ovoga članka za rukovoditelja institucija Bosne i Hercegovine, a suci i tužitelji u visini predviđenoj za ostale rukovodeće državne službenike.*
- 3. Suci i tužitelji imaju pravo na naknadu za odvojeni život pod uvjetom i u visini utvrđenoj podzakonskim aktom iz stavka 1. ovoga članka za zaposlene u institucijama Bosne i Hercegovine.*

III. PLAĆE, NAKNADE I DRUGA MATERIJALNA PRAVA ZA ODREĐENE KATEGORIJE STRUČNOG OSOBLJA

Članak 17.

Osnovna mjesečna plaća sljedećeg stručnog osoblja iznosi:

- a) Za generalnog tajnika Ustavnog suda Bosne i Hercegovine i direktora Tajništva Visokog sudbenog i tužiteljskog vijeća Bosne i Hercegovine: 3.800 KM.
- b) Za registrara Ustavnog suda Bosne i Hercegovine, registrara Suda Bosne i Hercegovine i zamjenika direktora Tajništva Visokog sudbenog i tužiteljskog vijeća Bosne i Hercegovine: 3.400 KM.
- c) Za generalnog tajnika Suda Bosne i Hercegovine i tajnika Tužiteljstva Bosne i Hercegovine, te disciplinskog tužitelja Tajništva Visokog sudbenog i tužiteljskog vijeća Bosne i Hercegovine: 3.000 KM
- d) Za šefove odjela Ustavnog suda Bosne i Hercegovine: 2.800 KM.
- e) Za više pravne savjetnike Ustavnog suda Bosne i Hercegovine, šefove odjela i više pravne savjetnike Tajništva Visokog sudbenog i tužiteljskog vijeća Bosne i Hercegovine: od 2.400 do 2.600 KM.
- f) Za pravne savjetnike Ustavnog suda Bosne i Hercegovine, pomoćnika generalnog tajnika Suda Bosne i Hercegovine, pravne savjetnike Suda Bosne i Hercegovine i pravne savjetnike i

zamjenike šefova odjela Visokog sudbenog i tužiteljskog vijeća Bosne i Hercegovine: od 1.900 do 2.400 KM.

g) Za stručne suradnike Ustavnog suda Bosne i Hercegovine, stručne suradnike i sekretare odjeljenja Suda Bosne i Hercegovine, stručne suradnike/pomoćnike tužitelja u Tužiteljstvu Bosne i Hercegovine, pravnike/stručno osoblje Tajništva Visokog sudbenog i tužiteljskog vijeća Bosne i Hercegovine: od 1.200 do 1.800 KM:

2. Kriteriji za utvrđivanje plaća u rasponima propisanim u stavcima 1(e), 1(i) i 1(g) ovog članka uređuju se internim propisima ustanova.

Članak 18.

1. Članci 5. do 7., članak 8. stavci 2., 4., i 5., članak 9. i članci 11. do 15. ovog Zakona primjenjuju se na sve kategorije osoblja iz članka 17. ovog Zakona.

2. Kategorije osoblja iz stavaka 1(a) do 1(e) članka 17. ovog Zakona imaju pravo na 30 dana plaćenog godišnjeg odmora.

3. Kategorije osoblja iz stavaka 1(f) i 1(g) članka 17. ovog Zakona imaju pravo na 25 dana plaćenog godišnjeg odmora.

4. Sve kategorije osoblja iz članka 17. imaju pravo na neto naknadu za godišnji odmor u iznosu od 50% od njihove osnovne mjesečne plaće utvrđene u članku 17.

Članak 18a.

Naknada za ishranu tijekom rada i naknada za troškove prijevoza

1. Suci i tužitelji, kao i stručno osoblje iz članka 17. ovoga zakona, imaju pravo na:

a) novčanu naknadu za ishranu tijekom rada

b) naknadu za troškove prijevoza na posao i prijevoza s posla.

2. Pravo na naknade iz stavka 1. ovoga članka suci, tužitelji i stručno osoblje iz članka 17. ovoga zakona ostvaruju u skladu s odgovarajućim odredbama Zakona o plaćama i naknadama u institucijama Bosne i Hercegovine, kao i podzakonskim aktima donesenim na temelju ovih odredaba.

IV. ZAVRŠNE ODREDBE

Članak 19.

Odredbe sadržane u drugim zakonima, propisima ili odlukama na razini Bosne i Hercegovine koje su u suprotnosti s odredbama ovog Zakona prestaju važiti danom stupanja na snagu ovog Zakona.

Članak 20.

Ovaj Zakon stupa na snagu 1. siječnja 2006. godine.

*

("Službeni glasnik BiH" broj 32/07)

Članak 1.

(1) Ovim Zakonom usvaja se Zakon o plaćama i drugim naknadama u sudbenim i tužiteljskim ustanovama na razini Bosne i Hercegovine koji je na privremenim osnovama donio visoki predstavnik za Bosnu i Hercegovinu, objavljen u "Službenom glasniku BiH", broj 90/05.

(2) Zakon i svi prateći propisi, doneseni sukladno ovom Zakonu, primjenjuju se od dana stupanja na snagu Zakona o plaćama i drugim naknadama u sudbenim i tužiteljskim ustanovama na razini Bosne i Hercegovine ("Službeni glasnik BiH", broj 90/05).

Članak 2.

Ovaj Zakon bit će objavljen u "Službenom glasniku BiH".

**

("Službeni glasnik BiH" broj 77/20)

Članak 4.

Ovaj zakon stupa na snagu osmoga dana od dana objave u "Službenom glasniku BiH".

